

Présidence: M. Lucien Weiler, Président
Mme Colette Flesch, Vice-Président

Sommaire

1. 5761 - Projet de loi portant création d'une École préscolaire et primaire de recherche fondée sur la pédagogie inclusive
 - *Rapport de la Commission de l'Éducation nationale et de la Formation professionnelle: M. Fernand Diederich*
 - *Discussion générale: Mme Marie-Thérèse Gantenbein-Koullen, M. Claude Meisch, M. Jos Scheuer, M. Claude Adam, M. Robert Mehlen, Mme Mady Delvaux-Stehres, Ministre de l'Éducation nationale et de la Formation professionnelle*
 - *Vote sur l'ensemble du projet de loi et dispense du second vote constitutionnel*
2. 5687 - Projet de loi portant
 1. transposition de la directive 76/207/CEE du Conseil relative à la mise en œuvre du principe de l'égalité de traitement entre hommes et femmes en ce qui concerne l'accès à l'emploi, à la formation et à la promotion professionnelles, et les conditions de travail telle que modifiée par la directive 2002/73/CE du Parlement européen et du Conseil du 23 septembre 2002;
 2. modification du Code du travail;
 3. modification de l'alinéa 1 de l'article 2 de la loi du 14 mars 1988 relative au congé d'accueil;
 4. modification de la loi modifiée du 16 avril 1979 fixant le statut général des fonctionnaires de l'État;
 5. modification de la loi modifiée du 24 décembre 1985 fixant le statut général des fonctionnaires communaux;
 6. modification de la loi du 28 novembre 2006 portant
 1. transposition de la directive 2000/43/CE du Conseil du 29 juin 2000 relative à la mise en œuvre du principe de l'égalité de traitement entre les personnes sans distinction de race ou d'origine ethnique;
 2. transposition de la directive 2000/78/CE du Conseil du 27 novembre 2000 portant création d'un cadre général en faveur de l'égalité de traitement en matière d'emploi et de travail;
 3. modification du Code du travail et portant introduction dans le Livre II d'un nouveau titre V relatif à l'égalité de traitement en matière d'emploi et de travail;
 4. modification des articles 454 et 455 du Code pénal;
 5. modification de la loi du 12 septembre 2003 relative aux personnes handicapées
 - *Rapport de la Commission du Travail et de l'Emploi: M. Ali Kaes*
3. 5795 - Projet de loi modifiant
 - I) la loi modifiée du 27 janvier 1972 fixant le régime des employés de l'État;
 - II) la loi modifiée du 16 avril 1979 fixant le statut général des fonctionnaires de l'État;
 - III) la loi modifiée du 22 juin 1963 fixant le régime des traitements des fonctionnaires de l'État;
 - IV) la loi du 9 décembre 2005 déterminant les conditions et modalités de nomination de certains fonctionnaires occupant des fonctions dirigeantes dans les administrations et services de l'État;
 - V) la loi modifiée du 19 mai 2003 modifiant
 - 1) la loi modifiée du 16 avril 1979 fixant le statut général des fonctionnaires de l'État;
 - 2) la loi modifiée du 22 juin 1963 fixant le régime des traitements des fonctionnaires de l'État;
 - 3) la loi modifiée du 28 mars 1986 portant harmonisation des conditions et modalités d'avancement dans les différentes carrières des administrations et services de l'État;
 - 4) la loi modifiée du 26 mai 1954 réglant les pensions des fonctionnaires de l'État;
 - 5) la loi modifiée du 3 août 1998 instituant des régimes de pension spéciaux pour les fonctionnaires de l'État et des communes ainsi que pour les agents de la Société nationale des Chemins de Fer luxembourgeois;
 - 6) la loi modifiée du 27 mars 1986 fixant les conditions et les modalités selon lesquelles le fonctionnaire de l'État peut se faire changer d'administration; et portant création d'un commissariat du Gouvernement chargé de l'instruction disciplinaire;
 - VI) la loi modifiée du 24 décembre 1985 fixant le statut général des fonctionnaires communaux;
 - VII) la loi du 7 novembre 2007 modifiant
 - a) la loi modifiée du 22 juin 1963 portant fixation de la valeur numérique des traitements des fonctionnaires de l'État ainsi que des modalités de mise en vigueur de la loi du 22 juin 1963 fixant le régime des traitements des fonctionnaires de l'État;
 - b) la loi du 22 décembre 2006 concernant le budget des recettes et des dépenses de l'État pour l'exercice 2007
 - *Rapport de la Commission de la Fonction publique et de la Réforme administrative, des Média et des Communications: M. Paul-Henri Meyers*
 - *Discussion générale: M. Fernand Etgen, M. Jean-Pierre Klein, M. Claude Wiseler, Ministre de la Fonction publique et de la Réforme administrative*
 - *Vote sur l'ensemble du projet de loi et dispense du second vote constitutionnel*
4. Projet de loi 5687 (suite)
 - *Discussion générale: M. Marcel Glesener, M. Fernand Etgen, M. Marc Spautz, M. Jacques-Yves Henckes, Mme Viviane Loschetter, M. François Biltgen, Ministre du Travail et de l'Emploi, Mme Anne Brasseur, M. le Ministre François Biltgen, M. Jacques-Yves Henckes*
 - *Vote sur l'ensemble du projet de loi et dispense du second vote constitutionnel*

Au banc du Gouvernement se trouvent: Mme Mady Delvaux-Stehres, MM. François Biltgen et Claude Wiseler, Ministres.

(Début de la séance publique à 9.00 heures)

» M. le Président.- D'Sitzung ass op.
Huet d'Regierung der Chamber eng Mat-deelung ze maachen?

(Négation)

Léif Kolleegeinnen a Kolleege, mir fänken haut de Moien u mat der Diskussioun vum Projet de loi 5761 iwwert d'Pédagogie inclusive. Den Här Diederich ass Rapporteur vun dësem Projet de loi. Et sinn ageschriwwen: d'Madame Gantenbein, den Här Meisch, den Här Scheuer, den Här Adam, den Här Mehlen an den Här Berger. D'Wuert huet elo den honorabelen Här Diederich, fir de Rapport vun dësem Projet ze maachen.

1. 5761 - Projet de loi portant création d'une École préscolaire et primaire de recherche fondée sur la pédagogie inclusive

Rapport de la Commission de l'Éducation nationale et de la Formation professionnelle

» M. Fernand Diederich (LSAP), rapporteur.- Merci, Här President. Madame Minister, Här Minister, dëse Projet de loi ass de 24. August 2007 duerch d'Ministeschen vun der Éducation nationale an der Formation professionnelle déposéiert ginn. Den 8. Oktober 2007 huet eng Entrevue vun der Kommissioun mat de Vertrieder vum Projet „Eis Schoul“ iwwert d'pedagogesch Konzept an d'Organisatioun vun der Schoul stattfonnt.

D'Initiativ, fir eng Primärschoul vun der Forschung ze schafen, déi op der inklusiver Pädagogik baséiert, geet op d'Aktioun vum GLEN zrëck, dem Groupe Luxembourgeois d'Éducation Nouvelle. D'parlamentaresch Kommissioun huet den 12. Mäerz mat enger Rei Amendementer op den Avis vum Conseil d'État reagéiert. Den Avis complémentaire vum Statsrot datéiert op den 22. Abrëll, an de Rapport gouf an der Kommissioun den 28. Abrëll ugeholl.

Déi nei Schoul mécht hir Diere bei der Rentrée 2008/09 am Hierscht an der Rue des Maraîchers um Kierchbierg als Ganzdagsschoul op an hält Kanner vun der Éducation précoce bis zum 6. Schouljoer op. Eng Commission mixte décidéiert iwwert d'Admissioun vun de Schüler. An dëser Kommissioun sinn zwee Vertrieder aus dem Comité d'école, een Delegéierte vum Minister an de Buergermeeschter vun der Stad Lëtzebuerg oder säin Delegéierten. D'Prioritéit hunn déi Schüler, déi am Schoulressort respektiv um Territoire vun der Gemeng Lëtzebuerg wunnen.

Den Objektiv vun der Schoul besteet doranner, d'Heterogenitéit vun de Schüler besser ze géréieren an all Kanner ze integréieren, trotz hiren Differenzen a Schwierigkeiten, andeem der Verschiddenheet vun hire Besoinen a Léierrythme Rechnung gedroe gëtt.

Fir dëst Zil ze erreechen, baséiert „Eis Schoul“ op zwee Piliere: der Pädagogie inclusive an der Recherche. D'pedagogesch Konzept kann een a folgende Punkte resüméieren: D'Schoul muss dofir suergen, datt se eng heterogen Schülercommunitéit opëhlt, déi representativ ass fir d'Schoulbevölkerung vum Land. Op d'mannst 10% vun de Kanner si Kanner à besoins éducatifs spéciaux, also mat Handicap. All d'Schüler sollen aktiv un allen Aspekter vun Liewen an der Schoul deelhuefen, onofhängeg vun hire Besonderheeten um sozio-kulturellen, physischen, kognitiven, sozio-affektiven a psychomotoreschen Plang.

Zu dësem Zweck kritt d'Schoul déi mënschlech a finanziell Ressourcen, fir de psychopedagogeschen Encadrement vun alle Schüler ze garantéieren. D'Schüler si vu méindes bis freides vun aacht Auer bis hallwer véier obligatoresch present. En Accueil ass vu siwen Auer un assuréiert, e Petit-déjeuner ass do abegraff. Vun hallwer véier bis hallwer siwe gi Fräizäitaktivitéite proposéiert. D'Schoulorganisatioun begräift Unterrechtssequenzen, individuell Aarbecht a Gruppenaarbecht, Plagë fir sech auszerouen an en Encadrement, deen aus zousätzlechen Aktivitéiten um sportlechen, kreativen, manuellen a spillereschen Plang besteet.

D'Mëttegiesse gëtt zesummen an der Schoul ageholl. D'Bedeedegung un den

zousätzlechen Aktivitéiten ass fakultativ. Am Ganze kann d'Prise en charge nëmmen 11,5 Stonnen am Dag maximal bedroen. Fir d'lessen an déi komplementär Aktivitéite ka vun den Elteren eng finanziell Participatioun verlaangt ginn.

D'Schüler ginn an dräi Altersgruppe vu jee 36 Schüler opgedeelt, sougenannt Groupes multi-âges vun dräi bis fënnef Joer, vu sechs bis aacht Joer a vun néng bis eelef Joer. De psychopedagogeschen Encadrement gëtt vun enger multiprofessioneller Equipe assuréiert. Eng grouss Bedeitung gëtt der Abezéiung vun den Eltere bäigemooss.

D'Schoul preparéiert op den Enseignement secondaire an de secondaire technique. Mat zwielef Joer ginn d'Schüler hire Capacitéiten a Kompetenzen no orientéiert.

D'Schoul gesäit an der sproochlecher a kultureller Verschiddenaartegkeet net nëmmen eng Schwierigkeet, mä och eng Chance, fir wichteg Erfahrungen ze maachen. Niewent der däitscher an der franséischer Sprooch spillt d'Lëtzebuerger Sprooch déi wichtegst Roll an der kultureller Integratioun. Fir auslännesch Schüler soll awer kee Broch mat hirer Mammesprooch stattfannen. D'Mammesprooch ass net nëmme wichteg, fir eng zweet Sprooch ze léieren, mä si erlaabt et och, Wëssen ze deelen a soll am Kader vun der Alphabetiséierung valoriséiert ginn.

Den Unterrecht gëtt am Kader vun eenzelnen Entwécklungsdomänen ugebueden. Dozou gehéieren:

- 1) d'Sproochen - Däitsch, Franséisch, Lëtzebuergesch - an och en Éveil aux langues;
- 2) Mathematik;
- 3) d'Sciencen, an och hei en Éveil aux sciences, Geschicht a Géographie;
- 4) den Domän Kierper a Gesondheet, Psychomotorik a Motricitéit, Expression corporelle, Sport a Gesondheet;
- 5) den Domän Konscht mat engem Éveil esthétique a Musek;
- 6) d'Zesummeliwien a Wäerter, Erziéung zu den demokrateschen Wäerter an zu demokratesche Bierger, d'Éducation morale et sociale oder d'Instruction religieuse et morale.

D'Schoul dierf och aner Schoulbicher benotze wéi déi, déi offiziell vun der Kommissioun virgeschloe sinn. Fir all Schüler gëtt et e Portfolio. Dee besteet aus engem Dossier, wou de Léierparcours vum Schüler festgehalen gëtt souwéi Dokumenter vu sengen Aarbechte gesammelt ginn. An engem Journal de bord kommentéiert de Schüler säi Schoulparcours a säi perséinleche Formatiounsprojet. Mindestens zweemol d'Joer gëtt vun der multiprofessioneller Equipe e Bilan opgestallt, an deem folgend Elementer festgehalen ginn:

- 1) d'Leeschtunge vum Schüler während enger bestëmmter Period,
- 2) e Rapport iwwert d'Fortschrëtt beim Apprentissage,
- 3) eng Begutachtung vun den Aarbechten aus dem Dossier,
- 4) eng Ofschlossaarbecht um Enn vum Primärunterrecht, esou eng Aart Meeschterstéck.

All Kéier wann ee Bilan opgestallt gëtt, gëtt de Portfolio den Elteren an de Schüler presentéiert. All Schülergrupp steet ënnert der Verantwortung vun engem Sous-groupe vun der Equipe. D'Memberen aus dësem Grupp concertéiere sech, wat d'Fortschrëtt vun de Schüler ubelaangt souwéi iwwert d'Moosnamen, déi ze ergräife sinn. Ausserdeem koordinéiere se thematesch Projeten.

D'Tâche vun der Equipe begräift den Unterrecht an den Encadrement vum Schüler, d'Concertatioun innerhalb vun der Equipe, d'Preparatiounsaarbechten an d'Evaluatioun, Hëllef fir Memberen aus der Equipe beim Opriede vu Schwierigkeiten mat de Schüler, Rechercheaarbechten, de Kontakt mat den Elteren, d'Deelhuefen un de Versammlung vum Personal, d'Participatioun un Aktivitéiten vun der Formation continue, d'Ausarbechtung vun den Avis d'orientation souwéi Verwaltungsaarbechten.

De Kader vum Schoulpersonal ka folgend Leit begräifen:

- 1) Schoulmeeschteren a Léierinnen aus dem Prscolaire an dem Primaire,
- 2) Pedagogen,
- 3) Psychologen,
- 4) Heilpdagogen,
- 5) Orthophonisten,
- 6) Psychorducateuren,
- 7) Ergotherapeuten,
- 8) Assistants sociaux an Assistantes sociales,
- 9) ducateurs gradus
- 10) an ducateurs diplms.

Niewent de Fonctionnaire an Stagiair kann d'Schoul och no de Besoins de service op Chargs de cours, op Employen aus den technesch administrativen Carriren an op Aarbechter zrckgrifen, sief et mat enger voller Tche oder enger Deeltche, an  dure dtermine oder indtermine.

Et gtt ee Schoulcomit agesat, deen d dagdeeglech Gestiou vum der Schoul assuriert. Hie besteet aus vier Memberen, vum deenen der winstens dri aus der multiprofessioneller Equipe sinn. Si gi fir fnnef Joer gewielt an hiert Mandat ass renouvelabel.

De Schoulcomit beziechent aus hirer Mtt e President oder eng Presidentin, deen d'Entscheedunge vum Schoulcomit ausfiert a fir de gudder Fonctionnement vum der Schoul suert. De President, respektiv d'Presidentin, vertrtt d'Schoulcommunautit vis--vis vum Drttersounen.

De Comit huet als Missioun, d'Aarbechte vum der multiprofessioneller Equipe ze koordinieren, eng Proposition fir d'Organisation vum der Schoul auszeschaffen an d'Zuel vum de Post festzelee, d noutwendeg sinn. Si griert de Budget, organisiert d'Fuerschungsaarbechten, koordiniert d'Stonneplng, griert didaktescht Material a sammelt d'Donnen iwwert d'Schler. En assuriert de Kontakt mat dem Ministre a mat der Gemeng, prepariert e jhrlechen Aktivittsrapport a planifiiert d'Formation continue.

Am Artikel 19 gtt d'Regierung autorisiert, dat noutwendeg Personal anzustellen. De Minister setzt dofir eng Rekrutementskommission an, d aus dri Membere vum Comit d'cole, engem Vertrieder vum Ministre de l'ducation nationale an engem Vertrieder vum der Universitit besteet. D'Kommission examiniert d'Kandidaturen a proposiert Kandidaten oder Kandidatinnen, d vum Minister oder der Ministesch nominiert ginn. D'Relationen tschent dem Stat an der Gemeng ginn duerch eng Konvention geregelt.

Am Hiblck op den Dmarrage vum der Schoul fir d'Rentre 2008 glle folgend Iwwergangsbestmmungen: D'Vertrieder vum Comit d'cole fir d'Commission mixte, d fir d'Admission vum der Schler zoustnneg ass, ginn duerch d'Ministesch bestmmt. D'Ministesch engagiert an nominiert dat nidegt Personal, andeem se zu de Bestmmunge vum Artikel 19 drogiert.

D'Zesummenaarbecht tschent der Schoul an der Universitit concerniert d'Entwcklung vum der Qualitit vum Unterrecht, d'Recherche iwwert d'Schoul, d dauernd berufflech Weiterbildung vum den Enseignanten, d'Verffentlechung vum der Fuerschungsergebnisse an d nohalteg Entwcklung vum der Schoul.

D'Modalitite vum dser Zesummenaarbecht ginn an enger Konvention tschent dem Minister an der Universitit festgehalen.

Et gtt ee wssenschaftleche Rot agesat, deen zesummeagesat ass aus zwee Membere vum Comit d'cole, zwee Membere vum Personnel enseignant oder vum Personnel scientifique, esou wi aus engem Vertrieder vum Ministre. D'Membere gi fir dri Joer bestmmt. De Rot assuriert d'Koordinatioun vum der Projeten an der Fuerschungs- an Entwcklungsberichter. Ds Projeten a Rapporte ginn enger Externanalyse vum enger universitirer Institution nnerzunn.

Fir d'Zesummenaarbecht tschent deenen eenzelne Partner ze verbessern an e schoulescht mfeld vum gigesitem Respekt ze schafen, schaffen d'Schoulpersonal, d'Schler an d'Eltere Verhalensregeln aus, d op der Rechter a Flichte vum hire Membere basieren. Ds Regele ginn an enger Charte scolaire festgehalen.

Hr President, Madame Minister, Hr Minister, Dir Dammen an Dir Hren, wa mer dse Projet de loi haut stmmen, ass ee wichtige Schratt gemaach, fir d'cole de recherche am Hierscht knnen opzemaachen. Et gllt elo eng Selektioun bei dem Personal a bei der Schler ze maachen. Vill Umeldunge leie vir; den Interessi ass grouss. Ze hoffen ass, datt d'Aarbechten un der Gebailechkeete bis dohin ofgeschloss sinn. Ech wnsche jiddefalls der neier Schoul vill Succs, brngen den Accord vum menger Fraktioun a soenlech Merci fir d'Nolauschteren.

» Plusieurs voix.- Trs bien!

» M. le Prsident.- Merci, Hr Rapporteur. D'Madame Gantenbein ass als Riednerin fir d'CSV agedroen. Madame Gantenbein, wann ech gelift.

Discussion gnrale

» Mme Marie-Thrse Gantenbein-Koullen (CSV).- Hr President, Madame Minister, Hr Minister, lif Kolleeginnen a lif Kolleegen, Merci dem Rapporteur, dem Hr Fernand Diederich, fir sin ausfierleche schrftlechen a mndleche Rapport.

Mat dem Projet 5761, dee mer haut stmmen, wann deen och fir sech schwzt a seng Eegestnnegkeet huet, esou huet en dach vum senger Philosophie hier an och vum senger pedagogeschen Ustz hier besonnesch mam Gesetz 5760, mam Enseignement fondamental ze dinn.

Esougutt d'Madame Hennicot wi och d'Madame Brasseur hu versicht eppes am Enseignement ze bewegen. M Reforme brauchen en Temps de gestation a si brauchen och e Rifungsprozess. Dat trfft ganz besonnesch mengen ech fir den Enseignement zou. Datt eisen Enseignement reformiert muss ginn, dat bestreit jo haut kee mi. Well e steet znter 2000 an 2003 am Krizfeier vum der Kritik, well Pisa 1 a Pisa 2 eis de Spiegel virum d'Ae gehalen huet. Spitstens dunn hu mer gesinn, datt eppes misst geschien.

D'Reform vum Gesetz vum 1912 huet ausgedngt, net well et schlecht ass, m well et einfach net mi adaptiert ass. D'Gesellschaft huet sech fundamental gennert. Si ass net mi homogen, si ass heterogen. M och d'Schoulkand huet sech gennert. Ech gif souguer soen, et htt eng Verlagerung vum der Snner vum Kand stattfonnt.

D'Kand vum der ischter Halschent vum 20. Jorhonnert war e Kand wat gelauschtert huet, wat memorisiert huet a wat gemaach huet, wat ee vun em verlaangt huet. An d'Kand vum 21. Jorhonnert ass e Kand wat kuckt; di nei Technologien hunn dat mat sech bruecht. An et ass och e Kand, dat aktiv wllt sinn. Net passiv.

M da bleift di grouss Fro: Wat nnere mer a wi nnere mer?

D'Chance, mengen ech, fir der Ltzeburger Enseignement ass, dass de Grupp - de GLEN - d'Initiativ ergraff huet - d'Membere vum GLEN si jo lauter Insider vum Enseignement. Si hunn dee schwelende Malaise opgeholl, hunn eng Denkaarbecht gemaach an hunn e Projet entwckelt. Dorausser ass dst Gesetz elo entstanden.

Mat der Schafung vum enger staatlecher Fuerschungsschoul, basierend op der inklusiver Pedagogik, betriede mer hei zu Ltzebuerg absolut Neiland. Am europeschen Ausland an an Amerika ginn et dr Schoulen an heeschen dann Neue Schule, Alternative Schule oder Labor-schule; wat eis Schoul jo och ass.

Hr President, Inklusivpedagogik ass am Ufank vum den 90er Joren entstanden. Op der internationaler Konferenz vum der Unesco 1990 an Thailand, di nnert dem Motto stoung „Eine Schule fr alle“, gouf fir d'ischt dat Wuert „inclusion“ amplat vum „integration“ gebraucht. Dat heescht, Kanner mat an ouni Handicap, Kanner mat an ouni Lierstierungen a Lierschwierigkeete ginn zesummen nnerricht, net aussortiert.

Op der Unesco-Konferenz 1994 zu Salamanca gouf d'Inklusioun zum wichtigstem Zil vum der internationaler Bildungspolitik erklert. Dat heescht, all Kand huet e fundamentaalt Recht op Bildung. D'Schoule sollen all Kanner opheulen, onofhng vum hire physischen, intellektuellen, sozialen, emotionalen a sproochleche Fegkeeten, an d'Schoul soll Kanner aus frieme Kulturen

a vum benoodeelegte Randgruppen opheulen.

Inklusivpedagogik heescht awer och dem eenzelne Kand seng Interessen notzen, dem eenzelne Kand seng Besoinen identifizieren, seng Talenter entdecken a frdere, seng Fegkeeten dveloppieren, seng Schwchten ausbigen a seng Defizitter behiewen. Gem dem Motto „Wer Strken strkt, schwcht Schwchen.“ - seet d'Jolle Huser, eng Schwizer Erziehungs-wssenschaftlerin. An aus dem Prinzip vum der inklusiver Pedagogik huet sech der Projet pilote „Eis Schoul“ entwckelt.

Hr President, ech brauch an ech wll och net widerheulen, wat der Rapporteur gesot huet, m ech versichen awer e wnig erauszeschielen, wat ds Schoul vum der traditioneller Schoul nnerscheet. Ech weess, datt op ville Plazen an eise Land punktuell versicht gtt vum engagiertem Lierpersonal, nei Weer ze beschreiden. Et ass mer awer wichtig, dass mer e wnig kucken: Wat trennt dann di traditionell Schoul vum deem heite Konzept vum „Eis Schoul“?

An der traditioneller Schoul huet d'Kand sech dem Schoulsystem misse upassen. Am Projet pilote mat der inklusiver Pedagogik ass et mgedrint, do passt d'Schoul sech dem Kand un.

Di traditionell Schoul ass ganz vertikal strukturiert. Baulech schonn. D'Klasse sinn uneneegereit, an an der Klassen ass den Enseignant en Einzelkmpfer. Am Projet pilote „Eis Schoul“ ass d'Schoul horizontal strukturiert. Dat hu mer gesinn am Reportage op der Tlee d'lescht Woch. D'Wnn ginn duerchbrach fir Kommunikatioun, Kollaboratioun an Echange miglech ze maachen. Eng Equipe multiprofessionnelle drit d'Verantwortung. Den Enseignant ass net eleng.

D'Kanner ginn dem Alter no a Klassen age-deelt a sinn dem Alter no zesummen an der traditioneller Schoul. Am Projet pilote gtt et dri Gruppen, di altersnnerschiedlech sinn. Dat huet eng Partie Avantagen. D'Kanner lieren di eng vum deenen aneren, di Grouss knnen Verantwortung iwwerheule fir di Kleng an di Grouss knnen deene Klengen hlfen.

Deenen, di elo monieren a soen, di dote Schoul, di hate mer jo schonn an di hu mer ofgeschafft, wll ech awer soen - well een och selwer derduerchgaangen ass -: Et ass fundamental anescht.

Am Schoulsystem, wi d'Klassen zesumme waren, hunn di gutt ebe gelauschtert, wann den Enseignant eppes erklert huet. Hei ass et awer esou, dass och di, di Schwierigkeeten hunn, begleet ginn am Grupp a gehollef krien, fir weiterzukommen.

D'Liermethod am traditionellen Unterrecht ass jo der Frontalunterrecht. Et gtt erklert, et gtt nogelauschtert, et muss verstane ginn, et muss verhale ginn an et muss fixiert ginn. De Lierstoff ass ganz saucissonniert, an den Enseignement ass a 55 Unititen opgedeelt.

An der neier Schoul gtt d'Wssen projektan themenorientiert erschafft duerch der Schler, a begleet gtt hie vum engem Enseignant. Richhalteg didaktescht Material steet dem Kand zur Verfugung. Et ka schaffen an enger lngerer Sequenz.

Am Sproochenunterrecht ass an dsem Projet effektiv di nei Approche vum der Valorisation vum der Mammesprooch interessant. Et gtt jo wssenschaftlech Etden, di beleen, dass e Kand, wat seng Mammesprooch net gutt beherrscht, och net feg ass, eng friem Sprooch gutt ze lieren. Doduerch, dass an der neier Schoul d'Miglechkeet besteet, dass Externer erakommen, fir besonnesch bei der Kanner primo-arrivant miglech ze maachen, dass d'Alphabetisation an hirer Mammesprooch ka geschien, gtt derfir gesuert, dass d'Kand seng Mammesprooch gutt beherrscht.

Dsen Artikel huet jo a verschiddenen Avis Kritik ervirgeruff, m et ass eng Schoul, di ee ganz frsch muss denken, wou mir, di gewinnt sinn, an deem traditionelle Schoulsystem ze denken, och do muss verschidden Iwwerleungen zrckstellen. Et muss een och den Deuil maachen e wnig vum deem, wat ee gewinnt ass.

Ech gif awer denken, dass besonnesch d'Valorisation vum der Mammesprooch bei engem Kand d'Selbstwertgefill ka steigern, wat och dozou bdrit ganz bestmmt, datt et mi bereet ass Efforten ze maachen, fir mi Leeschtung ze brngen.

Differenzierten Unterrecht. De Bourdieu huet dat genannt: „Rompre l'indiffrence aux diffrences.“ D'Zensuren, Dir Dammen

an Dir Hren, si bis elo Selektioun gewiescht. Di Gutte komme gutt ewech an di, di net esou gutt sinn, komme schlecht ewech. Et gtt bewert par rapport zu deenen aneren.

Am Portfolio dogint gtt dokumentiert, wat d'Kand gemaach huet. Et gtt gewrdet fir seng Leeschtung. Et gtt informiert, an et ass en exzellent Mttel an eng Form vum Kommunikatioun tschent Kand, Equipe professionnelle an Elteren.

An dsem Projet de loi kritt d'Elterenaarbecht eng aner Qualitit. Ech gif och soen, et gtt hich Zit. Di traditionell Schoul huet keng Tradition an och keng Kultur, fir mat den Elteren mzegoen. Wini gi mer dann an d'Schoul? Wann et net geet, wa Konflikte bestinn.

An „Eiser Schoul“ ginn d'Elteren abezunn. Si si present an alle Comiten, hunn e Mat-sproocherecht, knnen matgestalten, eng Denkaarbecht maachen a bei der Organisation vum ville Manifestatiounen matmaachen.

Wichtig och fir d'Kand ass d'Aarbecht um Schluss vum 6. Schouljoer. Dat muss ee sech vorstellen: en interaktiv Referat, e selbstgewieltent Thema, wourunner et bal e Joer laang schafft, virum engem multiprofessionellen Team opzetrieden, en face vum den Elteren, eng Ausstellung organisieren. Et ass effektiv e Meeschterwierk, wat do vum Kand verlaangt gtt.

M wann dat dote soll esou knnen geschien, dass d'Kanner dat doten am 6. Schouljoer ferderg brngen, da gif ech soen, dann huet der Projet pilote sin Zil erreecht. Well da steet d'Kand do selbstbewusst viru sech selwer, selbstbewusst virum der Schoul an och selbstbewusst viru sengen Elteren.

Dir Dammen an Dir Hren, d'Schoul entwckelt nei Lier- an Unterrechtmethoden an Evaluationsformen an enker Kollaboration mat der Uni Ltzebuerg. An do gif ech soen: Di permanent Begleitung duerch Chercheuren, d'Evaluatioun duerch d'Uni Ltzebuerg an duerno och duerch extern Universititen, di Evaluatioun, vum dr d'Resultater public gemaach ginn, an, wat ganz besonnesch wichtig ass, a Kontakt triede mat interessiertem Lierpersonal - dat si wichtig Elementer vum dsem Projet. D'Diere vum dr Schoul mussen opgemaach gi fir Enseignanten, di fir sech fannen, datt et Zit ass, fir aneschtters Schoul ze halen.

Ech gif och soen, wann dat doten esou ka geschien, dann entsteht eng Dynamik, di herno net mi opzehalen ass an di och den Enseignement fondamental wert befruchten.

Et gtt Kritikpunkten. Et gtt gesot, et wier ze deier. Et gtt gesot, et wier Chaos. Et gtt gesot, et wieren ze vill Conseilen an ze vill Comiten. Et gtt souguer gesot, et wier eng Virwztut, et wier e schinen Emballage mat nischt dran.

An enger Tageszeitung hat en Auteur d'Geleeenheet dri Deeg hannerene senger Opposition zum Projet-pilote „Eis Schoul“ Loft ze maachen. Dsen Text war mat „Wundertte 1“, „Wundertte 2“ an „Wundertte 3“ iwwerschriwwen.

Deier: D'Pdagogie inclusive, besonnesch, wat d'Inklusioun vum Handicapierte Kanner bedeit, da gif ech soen, wa mer do manner Infrastrukture brauchen, wann dat Fachpersonal, wat do gebraucht gtt, an den normalen Unterrecht kann integriert ginn, dann ass et ganz bestmmt net ze deier.

Ze vill Conseil an ze vill Comit, do muss een dem Projet Chance loosse fir unzefnken an Experienz ze sammeln.

Dir Dammen an Dir Hren, zum Schluss wollt ech Folgendes soen, fir zrckzukommen op dat vum Ufank: D'Schoul, wsse mer, ass am mbroch. An der Sprenger, deen huet a sengem Buch „Der dressierte Brger“ geschriwwen: „Wer nicht sterben kann, kann auch nicht leben.“

Ween net op seng Gewunnechten, seng Scherheeten a si Schutzwall, deen e sech selwer baut, ka verzichten, deen ass och net rezeptiv, gif ech soen, an och net feg fir Neierungen.

Ech gif awer och widerheulen, wat den St. Exupry gesot huet: «Il n'y a pas de solutions, mais il y a des forces en marche. Il faut les crer et les solutions suivent.»

Dat, gif ech soen, trfft op eise Projet pilote „Eis Schoul“ zou. Et gi keng einfach Lisungen. Et ginn der vill. M mam Projet pilote si Krfte mobilisiert a frigesat ginn, oder werte Krfte mobilisiert a frigesat ginn, d hoffentlich mat wssenschaftlecher Begleitung zu Lisungen an eise Bildungssystem fieren.

Ech soenlech Merci fir r Attentioun a ginn den Accord vum menger Fraktioun.

» **Plusieurs voix.**- Très bien!

» **M. le Président.**- Merci, Madame Gantenbein. Den Här Claude Meisch huet d'Wuert.

» **M. Claude Meisch (DP).**- Här President, Dir Dammen an Dir Hären, e grousser Merci un de Rapporteur fir säi schrëftlechen a mëndleche Rapport, awer och u meng direkt Riednerin. De Rapporteur huet eis eigentlech gesot ëm wat et geet, wéi déi Schoul do soll fonctionnéieren, a meng Virriednerin huet eis nach emol méi am Detail gesot, firwat datt een op deen dote Wee soll goen. „Eis Schoul“ heescht déi Schoul a se heescht gläichzäiteg och École de recherche fondée sur la pédagogie inclusive. Et geet also hei ëm zwou Saachen, zwee verschidden Aspekter, déi mer diskutéieren.

Éischtens ëm déi sougenannte Pédagogie inclusive, wou d'Ambitioun besteet fir all Kand ze akzeptéieren an net Kanner an eenzel Kategorien anzedeelen an dono an eenzel Schoulen, an eenzel Institutionen ze ënnerdeelen. Kanner mat hire Stäerkten a mat hire Schwächen, mat hire Forcen a mat hiren Handicapen ze akzeptéieren an eng Plaz fir si an eiser Schoul ze schafen. Duerfir muss bei der Pédagogie inclusive vill méi staark differenziéiert ginn, duerfir muss och vill méi staark individualiséiert Unterrecht gehale ginn.

Den zweeten Aspekt ass dee vun der Fuerschungsschoul. Also eng Schoul, wou nei Léierformen kënne applizéiert ginn, Léierformen kënne getest ginn, wou dann déi Erfahrungs, déi do gemaach ginn, kënne weidergi ginn un aner Schoulen aus dem Land, wou eng Zesummenaarbecht och duerfir jo hei mat an de Projet erageschriwwen ginn ass mat der Universitéit a wou ebe ganz besonnesch och bei deenen neie Léierformen, déi do sollen applizéiert ginn, erfuerscht gëtt, Erfahrungs gesammelt ginn, wou eben déi vun der Pédagogie inclusive ganz besonnesch am Vierdergrond solle stoen.

Ech wëll nach eng Kéier kuerz drop zrëckkommen, wat dann eigentlech anescht ass an där doter Schoul wéi an deene Schoulen, déi mer uechter eis Gemengen doruechter kennen.

Nun, hei soll gekuckt ginn op där enger Säit, datt d'Schülerschaft e Spigelbild vun der Schoulpopulatioun queesch uechtert d'Land ass, datt se der sozialer Opdeelung gerecht gëtt, datt se der Opdeelung tëschent den eenzelnen Nationalitéite gerecht gëtt. Woubäi hei awer och direkt gesot gëtt, datt 10% vun de Schüler solle Schüler mat enger Behënnerung sinn, déi an dës Schoul eran integréiert solle ginn. Woubäi dat natierlech net deem übleche Bild an der Populatioun entsprécht, mä do ginn d'Ambitioune vun Integratioun also vill méi wäit, wéi mer dat doruechter kennen.

Et ass eng Ganzdagsschoul. Et ass eng Schoul, déi net a Joren, och net an Zyklen, wéi mer se kennen, sollen agefouert ginn, mä a Groupes multi-âges: vun dräi bis fënnf, vu sechs bis aacht a vun néng bis eelef.

Et ass och eng Schoul wou multidisziplinär Teame sollen zesummeffannen a sech ëm d'Kanner solle këmmen. Et ass och eng Schoul wou herno nach op méi eng aner Aart a Weis, wéi mer dat bis ewell am 6. Schouljoer kennen, soll eng Orientatioun gemaach ginn, fir ze kucken wou et dann op Septième soll weidergoen.

Et ass eng Schoul déi Wäert leet op d'Vermëttlung vu Sproochen. Selbstverständlech op där enger Säit déi Sproochen, déi mer kennen, déi mer musse kennen hei am Land; déi dräi Sproochen, déi och hir Plaz hunn am Primaire. Dat heescht Lëtzebuergesch, Franséisch an Däitsch. Mä awer och zum Deel gëtt sech opgemaach op d'Mammesprooch vu ville Kanner, aus der Erkenntnis eraus, datt et ebe wichteg ass, och datt e Kand fir d'alleréisch mol seng Mammesprooch ka beherrschen, fir vläicht vun do aus startend iwwerhaupt aner Sprooch kënne ze léieren an aner Wësse sech kënne unzëeegnen a Kompetenzen ze entwéckelen.

Et geet och hei drëms fir nei Formen vun Evaluatioun anzeféieren, fir et eben net bei enger punktueller Evolutioun ze loossen, mä ze kucken, datt déi méi kontinuierlech an op eng aner Aart a Weis ka stattfannen. Natierlech fält och déi enk Kollaboratioun bei dësem Projet tëschent „Eis Schoul“ an der Uni Lëtzebuerg op.

Wann een elo dat doten alles kuckt an et stellt ee sech d'Fro: „Ass „Eis Schoul“ dann elo e Modell fir d'ganz Land?“, géif ech soen, Neen. Well eist Land mat Sécherheet net prett ass, op deen dote Wee ze goen. Well mer dat dote fir d'éischt elo mol an enger sougenanntener Fuerschungsschoul solle probéieren.

Wann een d'Fro anescht stellt, nämlech: „Kann „Eis Schoul“ en Ideengeber si fir Schoule queesch uechtert d'Land, queesch duerch eis Gemengen?“ Da géif ech soen, Jo, dat kann déi Schoul do sinn.

Well wa mer kucke wat d'Sujete sinn, déi hei diskutéiert ginn, déi am Mëttelpunkt stinn, da geet et ëm Elterenaarbecht, et geet ëm Sproochekenntnisser, et geet drëms fir behënnert Kanner ze integréieren. Et geet drëms fir a multidisziplinäre Equipé kënne zesummeschaffen. Et geet drëms eng aner Evaluatiounsform kënne an d'Schoul eranzebréngen. Et geet ëm Ganzdagsschoul respektiv Ganzdagsbetreuung.

Sujeten, déi net typesch sinn an exklusiv an „Eis Schoul“ diskutéiert an ëmgemat ginn, mä Sujeten, déi mer queesch uechtert d'Land am Préscolaire, am Précoce an am Primaire begéinen. Duerfir ass et eben esou, datt mer hei kënne vun deem dote Projet léieren, fir op anere Plazen am Land kënne eppes ëmzesetzen.

Datt mer musse léieren, datt mer musse weiderdenken, ass och hei scho gesot ginn, an do si mer eis eens, datt mer nei Erausforderungen um Aarbechtsmaart hu wat d'Qualifikatioun vun de Leit ubelaangt, wa se aus der Schoul kommen. Datt mer nei Erausforderunge begéine wa mer kucken, wéi d'Famill sech haut organiséiert, wéi Famill a Beruff kann zesummespillen. Datt nei a grouss Erausforderungen nach ëmmer op eis waarden, wann et drëms geet, déi vill verschidden Nationalitéiten an och Kanner aus ganz ënnerschiddleche soziale Milieuen, aus ganz ënnerschiddleche Sproochmilieue kënne un eis Schoul erunzeféieren.

Da gesi mer, datt nei Weeër noutwendeg sinn, datt och nei Modeller noutwendeg sinn an datt mer eis Schoulen un deen dote Besoin, deen net ofhëlt, mä éischter zouhëlt, musse kënne upassen.

Duerfir ass et an eisen Ae wichteg, datt Schoulen aus dem Land un den Erfahrungen, wa se och mol nëmme punktuell sinn, aus dem Projet „Eis Schoul“, wa se op déi kënne zrëckgräifen a sech drun inspiréieren.

Nei Weeër solle mer also goen. D'Fro, déi dann direkt gestallt gëtt: „Jo sinn déi nei Weeër do keng Experimenten?“

Duerfir menge mer schonn, datt op där anerer Säit, bei aller Ouverture fir eppes Neies ze maachen, fir eppes Neies ze woen, een awer gläichzäiteg muss kucken, a wat fir engem Kader schafe mer dat Neit an enner wat fir enge Konditioune kann een domadder d'accord sinn a wéini gëtt een neie Wee, deen ee geet, net zu engem Experiment fir déi Schüler, déi dovunner betraff sinn.

Mir denken, datt et do wichteg ass, an dat ass jo an dësem Projet esou virgesinn, datt déi Schüler, déi an déi Schoul ginn, fräiwëlleg dohinner ginn. Mir kéinten eis net virstellen, datt ee Schüler géif zwängen an esou eng Schoul ze goen, Eltere géif forcéieren, hir Kanner an esou eng Schoul ze ginn. Wéi gesot, dat ass an dësem Projet jo och respektéiert.

Mir denken och drun, datt et wichteg ass, datt zu all Moment e Wiessel aus dësem Projet eraus an déi sougenannten normal Schoul méiglech ass. Et kann ee sech virstellen, datt een elo säi Kand an déi dote Schoul gëtt, well een hei an der Stad oder an den Alentouren vun der Stad wunnt. Et kann awer sinn, datt een iergendzwoch plënnert, datt een och berufflech bedéngt muss an d'Ausland goen, dann ass et wichteg, datt déi Schoul do net an eng Sakgaass féiert.

Grad esou wichteg wéi et ass, datt och herno nom Ofschloss vun „Eis Schoul“ - et kann een net soen nom 6. Schouljoer, mä wann een dann dës Schoul verléisst -, datt een dann och d'Startchancen huet an all deenen anere Schoulen an et net eppes ass, wat automatesch dann an eng ähnlech Form vu Schoul, déi vläicht dann duerch den Neie Lycée kann duergestallt ginn, féiert.

Do hu mer eng Rei vun Zweifel, ob dat an dësem Projet wierklech esou erlaabt ass, an dat muss d'Praxis herno weisen, ob dës Schoul fir déi Schüler, déi doranner ginn, nach ëmmer d'Méiglechkeet bënhalt, datt se kënne zu all Moment a ganz besonnesch nom Ofschloss an enger anerer Schoul ouni Weideres Fouss faassen.

En anere Sujet, mat deem mer eis laang beschäftegt hunn, ass dee vun der Evaluatioun. Well mer mengen och, wa mer op esou nei Weeër ginn, da kann een net nei Weeër ufänken, ouni iergendwann eng Kéier ze kucken: Jo, zu wat féiere se, an erreeche mer déi Ambitioune, déi ganz

nobel Ambitioune an dësem Projet, erreeche mer déi wierklech? Musse mer net nobesseren? Musse mer net vläicht iergendwann eng Kéier ofbriechen an zu eppes anerem fannen?

Do begrësse mer op där enger Säit, datt an dësem Projet de loi iwwerhaupt emol vun Evaluatioun geschwat gëtt, well oft maache mer dat net an der Educatioun a ville Projeten, déi ëmgemat ginn. Mir denken awer och drun, datt, wa mer vun Evaluatioun schwätzen, wa mer an eng nei Richtung ginn, dann dës le départ och d'Kritäre vun der Evaluatioun mussen definéiert ginn, datt een och herno kuckt: Jo, u wat moosse mer dann déi Schoul do? U wat moosse mer d'Resultater, wat ass de Benchmark? Dat vermësse mer eigentlech och an dësem Projet de loi.

Et ass ganz vill extrem am Detail geregelt, wou ee sech hätt kënne virstellen, datt dat éischter an engem Règlement interne vun der Schoul hätt kënne geregelt ginn, mä hei hätte mer eis wierklech gewënscht, datt méi prezis dës le départ definéiert gewiescht wär, wéi d'Evaluatioun stattfanne soll.

An da menge mer awer och, datt deen, deen Evaluatioun bedreift, deen, deen den Evaluateur ass, net deeselwechte ka si wéi deen, deen de Projet mat ausgeschafft huet an de Projet mat begleet huet an herno dann och seet, ob e gutt oder schlecht ass.

Do hätte mer awer wierklech gären, datt deen, deen herno d'Evaluatioun mécht, onofhängeg ass vum Projet an opgrond vun objektiven, vu vireran definéierte Kritäre seng Aarbecht ka maachen.

D'Representativitéit vun der Schoulpopulatioun an deenen dach weënge Kanner, déi herno an déi dote Schoul ginn, ass mat Sécherheet och net einfach ze erreechen, och wa se am Gesetz esou virgeschriwwen ass. Fir dann och herno representativ Resultater a Konklusioune kënne doraus ze zéien, schéngt mer och relativ schwierig ze sinn. Mat emol knapps iwwer 100 Schüler, déi op néng Joergäng dann nach opgedeelt sinn, ass et ganz schwéier herno vun der Mass hier, vun der Ziel hier vun deene Schüler, Konklusioune kënne ze zéien. Och dofir free mer eis, ob den Echantillon wierklech grouss genuch ass, fir herno eng zollid Evaluatioun kënne ze maachen, ze assuréieren an och déi richteg Konklusioune ze zéien.

Ee vun de Kritikpunkten, déi een héiert - eng Rei vu Gewerkschaften hu sech an där Hinsicht geäussert, et ass och Schoulpersonal queesch uechtert d'Land, dat dat bemierkt huet -, ass, datt natierlech déi Schoul hei aner Moyene kritt, aner Ressourcë kritt - Personellressourcen, finanziell Ressourcen - wéi soss Schoulen uechtert d'Land. Dat ass wouer. Ech mengen awer och, datt dat zum Deel berechtigt ass, esou datt ech där Kritik do net ganz kann noginn.

Et ass zum Deel doduerjer berechtigt, well d'Schoul jo eben och e Fuerschungsoptag huet an net nëmme e Léieroptrag, an d'Schoul eben och hir Erfahrungs muss a soll kënne weiderginn un aner Schoule queesch uechtert d'Land. Mä och dat bedéngt Ressourcen, och dat bedéngt Aarbechtssäit, an och duerfir muss dës Schoul eben deementspreechend ausgestatt sinn.

Et soll een awer och drun denken, wa mer dës Schoul als Virbild gesinn, an eenzel Punkten, eenzel Erfahrungs, déi an dëse Schoule gemaach ginn, dann herno och an anere Schoulen am Land wëllen ëmsetzen, et dann net esou ka sinn, datt d'Virbild ganz aner Moyenen huet wéi déi Schoulen, wou dat herno da soll imitéiert ginn, wat mer da gären als positiv Konklusioune doraus zéien.

Dat ass awer eppes, wou mer dann och musse kucken, datt mer deene Schoulen ähnlech Moyenen zur Verfügung stellen, well soss ass dat, wat mer eis mat dësem Projet virhuelen, finalement net ze erreechen an et bleift dobäi, datt mer eis eng Rei vun Illusioune géife maachen.

Finalement wëll ech soen, datt d'Demokratesch Partei esou Projete wéi deen heiten, eng Fuerschungsschoul an och eng Schoul, déi op der Pédagogie inclusive baséiert, ka begrëssen.

Ech wëll virun allem soen, datt ech festgestallt hunn an deenen Diskussiounen, déi ech gefouert hunn, datt vill engagéiert a motivéiert Schoulpersonal sech fir dee Projet interesséiert huet, sech einfach emol informéiert huet oder wierklech och an deem Projet do wëllt matmaachen, an dat, obscho jo d'Konditioune eigentlech aner si wéi an de Schoulen uechtert d'Land, datt hei méi Presenz, méi u Stonnenzuel gefuerdert ass, wéi dat vläicht op anere Plazen ass. Dat mécht engem och Hoffnung, datt d'Enseignanten do matzéien, fir och dat, wat hei an engem Gesetzestext definéiert

ass vun Ambitioune, kënne ëmzesetzen. Mir wësse jo och, datt d'Nofro bei den Elteren dach ganz zollid war, fir et emol esou auszedrécken, fir hir Kanner an dës Schoul kënne ze ginn.

Op där anerer Säit solle mer eis net der Illusioun higinn, a mir sollen den Elteren an de Kanner och net d'Illusioun maachen, datt dat hei eng Superschoul ass, datt jiddfereen, deen uechtert d'Land anzwousch anescht net d'Féiss op de Buedem kritt huet, net réusséiert huet, elo hei mat esou enger Schoul kéint réusséieren. Do géife mir eis eppes virmaachen. Do géif d'Politik sech eppes virmaachen. Do géife mer de Kanner an den Elteren awer eppes virmaachen. Mer kréie mat Sécherheet hei net all Problem geléist, mä déi, déi mer kënne léisen, déi solle mer doduerjer léisen.

Mer sollen och net d'Impressioun ginn, wéi wann elo hei eppes ganz Neies géif Entstoen. Et ass och schonn hei gesot ginn, et ass op ähnlech Aart a Weis uechtert d'Land jo scho geschafft ginn.

Mer sollen och net d'Impressioun ginn, wéi wann alles dat, wat bis ewell gutt gewiescht ass an eise Schoulen, an eise Enseignement, wéi wa mer dat missten iwwer Bord werfe mat dësem Projet oder och an anere Schoulen, déi sech un dësem Projet wëllen inspiréieren.

Dat, wat wouer ass, ass, datt och e Schüler muss eng Leeschtung bréngen, datt mer och e gewëssene Kompetitiounsgeescht sollen hunn, datt och Schüler solle motivéiert sinn, fir déi Leeschtung ze bréngen. Dat schéngt mer nach wie vor wichteg ze sinn, egal ob een herno an „Eis Schoul“ geet oder ob een anzwousch aneschters geet.

Opgrond vun deene Remarquen, déi ech gemaach hunn, wat d'Representativitéit ubelaangt a wat virun allem d'kritesch Mass ubelaangt, aus där een herno ka konkret Konklusioune zéien, an awer och weint deene Remarquen, déi ech gemaach hunn, wat d'Evaluatioun ubelaangt, wou mer eis wierklech gewënscht hätten, datt mer an dësem Gesetz vill méi konkret drastoe gehat hätten, duerch wien a wéi herno evaluéiert gëtt, kënne mer dem Projet finalement eis Zoustëmmung net ginn. Soss hätte mer dat gemaach. Mä mir wäerten eis duerfir enthalte beim Vote. Déi Allermeescht wäerte sech duerfir enthalte beim Vote.

Ech soen lech Merci.

» **Plusieurs voix.**- Très bien!

» **M. le Président.**- Merci, Här Meisch. Den nächste Riedner, deen ageschriwwen ass, ass den Här Vizepresident Scheuer.

» **M. Jos Scheuer (LSAP).**- Merci, Här President. Ech sinn elo wierklech iwwerrascht. Ier ech heihi komm sinn, war ech der fester Iwwerzeugung, de Spriecher vun der DP, deen de Projet während 20 Minutte begrëisst a gelueft huet, géif sech elo zu deem Projet bekennen. Hien huet eng Abstentioun ugekënnegt.

Dat ass schwéier verständlech, Här Meisch.

(Interruption)

Och fir all d'Leit, déi nogelauschtert hunn. Jiddfereen huet heibanne gesiess a war liicht erstaunt.

(Interruption)

Här President, Dir Dammen an Dir Hären, de Projet „Eis Schoul“ ass e Projet, dee sech mam Laboratoire Schoul befaasst. D'Schoul gëtt elo als Fuerschungsobjekt duergestallt. Se gëtt als Fuerschungsobjekt begraff. Mir hunn en zweete Projet elo hei an der Chamber nom Projet „Neie Lycée“, deen ënnert deeneselwechten, net Virwänn, mä ënnert deeneselwechte Prémissen hei gestëmmt ginn ass.

Dir Dammen an Dir Hären, an der öffentlecher Meinung gëtt d'öffentlech Schoul esou opgefaasst wéi en éischter kompakte Block. E Block, dee schwéier ass, a Bewegung ze bréngen. E Block, an deem et schwéier ass, innovativ virzegoen. E Block och, wou et schwéier ass, ze modelléieren a Reformen unzébréngen.

Mir hunn déi Iddi vu Reform an déi Iddi vun Innovatioun ëmmer un d'Privatschoul gekoppelt. D'Privatschoul, déi een ugesäit als

méi flexibel, als méi upassungsfäeg, upassungsfäeg un d'Besoinë vun der Ekonomie an upassungsfäeg un d'Besoinë vun de Kanner an un d'Besoinë vun den Elteren. Ech ginn lech als Beispill den Institut Emile Metz, deen ëmmer dann agesprongen ass, wann Urgence an der Industrie bestanen huet a bestëmmten Ausbildungssecteuren. Ech huelen lech déi Beispiller, déi jiddferee kennt aus dem Secondaire an dem Primaire: d'Beispill vun der Waldorfschoul oder awer vum Lycée international.

D'LSAP huet ëmmer d'Iddi vertrueden, datt d'öffentlech Schoul, d'Schoul déi alle Kanner, onofhängeg vum soziale Statut vun den Elteren, onofhängeg och vun de Leeschtungs Capacitéit vum Schüler zougängelech ass, datt dës Schoul och innovativ muss virgoen an datt déi Innovatioun net der Privatschoul soll reservéiert ginn.

Mir haten och ëmmer d'Gefill an hunn d'Politik vertrueden, datt een Innovatioun net an engem Ghetto soll praktikéieren, mä an der Integratioun an der öffentlecher Schoul.

Ech erënnere un d'Beispill vun der International School. Ech hat beim éischte Projet, wéi mer d'Equivalenz tëschent den Diplomer gestëmmt hunn, dergéint gestëmmt. Firwat? Jo well d'International School eng Privatschoul war, wou een e ganz héije Minerval huet misse bezuele fir kënnen eranzekommen. Wéi d'International School integréiert ginn ass an de Lëtzebuurger Schoulsystem, war kee Problem méi fir se ze stëmmen.

Dir Dammen an Dir Hären, de Projet „Eis Schoul“ ass e Projet pilote op ville Pläng.

Ech soe mol fir d'éischt dem Rapporteur villmools Merci fir de Rapport an och fir déi expeditiv Aart a Weis, wéi en an der Kommissioun de Projet zum Vote konnt bréngen. Ech soen de Kommissionsmembere Merci, déi alleguerten, onofhängeg vun hirer Parteizugehöieregkeet, vill zum Projet bäigedroen hunn. An ech soen awer och der Stad Lëtzebuerg Merci, déi d'Schoulgebaier zur Verfügung stellt, fir datt een déi Schoul kann den 1. September ugoen.

D'Schoul ass e Laboratoire, dat heescht et ginn Experimenten do gemaach. Mä den Här Meisch huet eppes vergiess ze soen: Dee Projet steet ënner engem Erfolgswang. Den Erfolgswang ergëtt sech aus der Noutwendegkeet déi Elëven, déi do erauskommen, ze integréieren an de Secondaire. A spéitstens da wësse mer, wat de Modell wäert war fir déi Elëven, déi duerch déi Schoul gaange sinn. Da mussen se nämlech verglach gi mat hire Kolleegen aus der Regelschoul a se mussen, wa méiglech, besser sinn am Schnëtt wéi déi, déi duerch d'Regelschoul gaange sinn.

Dir Dammen an Dir Hären, op deem Projet hei läit Drock. Et ass kee Gespills. Op den Enseignantë läit Drock an déi ganz Schoulorganisatioun muss sech bewäeren. Eng ganz Serie vu Bedingunge mussen erfëllt sinn, fir datt de Modell dann och ka verglach gi mat der Regelschoul.

Eng vun deene Bedingungen, iwwert déi mer jo och an der Kommissioun diskutéieren, ass déi hei: D'Populatioun vun där Schoul, d'Populatioun vun den Elëven muss d'Spigelbild si vun eiser Schoulpopulatioun, déi an d'Regelschoul geet. Ass déi Zesummesetzung garantéiert? Ass se esou, datt ee kéint dee Modell erëmfannen a méiglech grousser Zuel vu Gemengeschoulen?

Dat ass en Défi fir d'Organisateuren, datt se aus deene villen Elëven, déi sech mellen, dann och déi erauszuhuelen, déi an dat Spigelbild erapassen.

Ech ginn lech e puer wichteg Elementer un, déi wichtegst Elementer aus dem Opbau, déi sech dann och erëmfannen an deene Schoulprojeten, déi mer amgaange sinn ze diskutéieren an der Chamberskommissioun.

Éischt Element ass d'Personal, wat sech zesummesetzt net méi aus Enseignanten eleng, mä aus enger ganzer Equipe vun Educateurs plus aner Intervenanten, déi d'Kanner betrieien. Et ass genau dat wat mer och am Reformprojet fir den Enseignement fondamental erëmfannen. D'Chargé si gedeelt an et ergëtt sech dorausser eng aner Form vu Schoulhalen. Dat heescht awer och, datt de Suivi vun deem Opbau a vun dëser Chargéver-

deelung muss vun der Uni Lëtzebuerg gemaach ginn, datt och op deem Plang Recherche muss gemaach ginn an datt déi Erkenntnisser müssen afléissen an d'Ausbildung vum Léierpersonal.

Zweetens, zu deenen Equipen, déi d'Kanner betrieien, ginn dann och d'Elteren derbäi gezielt. Och dat ass eng Iddi, déi sech am Projet Enseignement fondamental zréckfënn. D'Eltere sinn an der Responsabilitéit net nëmme doheem, mä d'Eltere mussen och derfir suergen, datt hir Kanner an der Schoul d'Gefill hunn, datt d'Elterehaus sech fir hir schoulesch Entwécklung interesséiert. Dat ass e ganz wichteg Element an der allgemenger Schoulreform.

Drëtt Element ass d'Bewäertung. D'Kanner gi bewäert op eng positiv Aart a Weis - d'Madame Gantenbein ass laang drop agaangen - an hir Fortschritter ginn éischter dokumentéiert wéi datt hir Feeler, hir Mängel da beuerteelt ginn.

Et muss een hei och derbäifügen, datt den Här Meisch scho Recht huet, wann e seet, datt hei keng Revolutioun geschitt, mä datt am Fong vill Elementer, déi uechtert d'Land scho praktikéiert ginn a ville Schoulen, vill Modeller hei gruppéiert ginn an engem Modell, wou een dann de Suivi vun deenen eenzelne punktuellen Modeller maache kann, déi soss op anere Plazen existéieren. Et ass e Groupement vu Reformiddien an dëser Schoul.

Wichteg ass och d'Neiännerung vun der Schoulzäit. Hei fanne mer dann och déi Ogglidderung an Zyklen, déi natierlech och fir d'Evaluatioun eng grouss Wichtegkeet huet an och fir d'Weiderkomme vun den Elëven, déi eben net méi sollen duerchfalen.

(Mme Colette Flesch prend la Présidence)

Déi Elementer fléissen also an an de Projet vun der Reform vum Primaire. Si gi generaliséiert an deem Projet. Natierlech ënner anere Conditions de départ. Dat hei ass trotzdeem e Milieu protégé, wou d'Kanner deelhuelen op fräiwëlleger Basis, an et muss een och soen, datt d'Enseignanten, déi sech hei gemellt hunn, ganz motivéiert sinn an datt se indiskutabel sech hannert dëse Projet stellen.

Wéi dat mat deem anere Modell, mam Enseignement fondamental ausgesäit, dat wäerte mer gesi wann en ëmgesat gëtt, nodeem e gestëmmt ass. Mä elo schonns kann ee léieren zum Beispill bei der Organisatioun vun der Equipenaarbecht, déi sech ubahnt. Et ka geléiert gi wéi Transversalstudië sollen oflafen an et kann een och léieren, wat fir Forme vun Evaluatioun kënnen applizéiert ginn.

Wichteg ass och, datt d'Roll vun der Mammesprooch elo zur Diskussioun steet. D'Mammesprooch an der Phas vun der Alphabetiséierung virun allem.

Eng ganz Serie vun Iddiën ginn thematiséiert. Eng ganz Serie vun Iddiën kënnen diskutéiert ginn. An dëser Schoul fënnt eng Animatioun statt, déi sech iwwerdroe léisst an den allgemenge System.

Ee Bémol - ech gräife vläicht do dem Här Adam vir - an deem Ganzen: Mir hätten eis kënnen virstellen, an ech hätten mer perséinlech kënnen virstellen, wann d'Éducation aux valeurs och hei agefloss wär an dëse Projet, esou wéi se am Neie Lycée zustane kënn. Mä, wéi gesot, hei ass d'Spigelbild vun eiser Gesellschaft an hei ass d'Spigelbild och vun där Schoul, esou wéi mer se elo virfannen, awer vläicht och d'Spigelbild vun dem Projet réforme vum Enseignement fondamental, esou wéi e wahrscheinlech gestëmmt gëtt.

Dir Dammen an Dir Hären, eis Schoul ass also e Modell, deen d'allgemeng Schoulreform begleet an och, wann déi bis a Kraaft ass, weider begleet wäert. En ass nëmme méiglech duerch d'Existenz vun der Uni Lëtzebuerg an der Iddi, datt d'Lëtzebuurger Schoul muss vun der Recherche begleet ginn an duerch d'Recherche encadréiert ginn.

Mir sinn elo kapabel fir eppes ze maachen, wat mer virun enger hallwer Dose Joren nach net maache konnten. Dëse Modell ass awer och méiglech duerch eng couragéiert politesch Décisioun, déi geholl ginn ass vun dëser Regierung, vun dëser Majoritéit a vun der Madame Unterrichtsminister. Domat iwwerbréngen ech den Accord vun eiser Partei.

Merci.

» **Plusieurs voix.** - Très bien!

» **Mme le Président.** - Merci, Här Scheuer. D'Wuert huet elo den Här Adam.

» **M. Claude Adam (DÉI GRÉNG).** - Madame Presidentin, léif Kolleegen a

Kolleeginnen, d'Initiativ, fir eng Pilotschoul, déi op enger Pédagogie inclusive baséiert, ze schafen, geet zréck op eng Initiativ vum GLEN, Groupe Luxembourgeois d'Éducation Nouvelle. Dat huet den Här Rapporteur och gesot. Ech wëll him och hei direkt Merci soe fir säi mëndlechen a schrëfleche Rapport.

Et ass schéin ze gesinn, datt et zu Lëtzebuerg nach ëmmer méiglech ass, datt ee Grupp Leit, deen e Projet ausschafft an dëse Projet mat vill Energie an Ausdauer promovéiert, a relativ kuerzer Zäit Gehéier fënn an dëse Grupp kann dann hire Projet realiséieren. Mir hunn dat beim Projet „Neie Lycée“ gesinn. Mir gesinn et haut eng weider Kéier beim Projet „Eis Schoul“.

De Rapporteur, den honorabelen Här Diederich, ass schonn op de Projet agaan. Hien huet e gutt beschriwwen. Ech wäert duerfir et net méi weider de ganze Projet beschreiwen, mä am Numm vun der grénger Partei op eng Rei Aspekter agoen, déi eis wesentlech schénge bei deem Projet.

„Eis Schoul“ ass eng Schoul vun der Pédagogie inclusive. Dat heescht, si setzt op d'Differenzéieren an d'Individualiséiere vum Unterrichts. „Eis Schoul“ seet, datt d'Verschiddenheet vun eise Kanner an eise Land keng Ursaach ass sech ze bekloen. D'Villfalt an d'Ennerscheeder vun eise Kanner solle mer als Räichtum betruechten an ze notze wëssen. Dat misst jo eigentlech fir all Schoule gëllen.

Hei ass bestëmmt och net d'Plaz, fir sech laang a breet mam Terme „Pédagogie inclusive“ ausereneezesetzen. Ech erënnere awer gären an deem Kontext un den Artikel 2 vun der UNO-Kannerrechtskonventioun vun 1989, wou d'Gläichwäertegkeet vun alle Kanner festgehalen gëtt. Eng Gläichwäertegkeet, onofhängeg vu Geschlecht, Relioun, der nationaler, ethescher oder sozialer Origine an och onofhängeg vun enger Behënnerung.

Et ass gutt, datt „Eis Schoul“ sech definéiert als Schoul fir all Kanner. Et steet och am Gesetz, datt mer haut stëmmen, datt d'Schülerpopulatioun an dëser neier Schoul op d'mannst genausou heterogen soll si wéi déi am ganze Land. „Eis Schoul“ geet souguer nach e Stéck méi wäit: Op d'mannst 10% vun de Kanner an dëser Schoul solle Kanner mat spezifischen éducative Besoinë sinn.

Dat huet mir fir d'éischt geschéngt, wéi wann et däers Gudden ze vill wier. Wa mer wëssen, datt an eise Schoulen ongeféier 1% vun eiser Schülerpopulatioun a Strukture vun der Ediff beschoult ginn, gutt een hallwe Prozent vun de Kanner mat Hëllef vu SREA an/oder kommunale Mesuren an eise Schoulen integréiert sinn, dann ass dat mat 10% effektiv zimlech héichgeluecht.

D'Explikatiounen vum Grupp, deen dee Projet ausgeschafft hat, waren awer schlësseg. Et geet bei deem Projet net drëm, dat eent oder dat anert Kand mat engem Handicap ze integréieren. Et geet drëm eng Struktur opzebauen, wou Kanner mat an ouni Behënnerung mateneen a vuneneen solle léieren. Duerfir brauch een eng Equipe vu Personal an och eng gewëss Masse critique vu Kanner.

Fir datt dëst eiergäizeg Zil ka réusséieren, ass dann och de Personalkader vun der Schoul am Artikel 18 definéiert. Dëse Personalkader ass gutt definéiert: ganz anescht, vill manner restriktiv, vill besser wéi dat am neie Schoulgesetz, dat nach um Instanzewee ass, de Fall ass.

Bei „Eis Schoul“ gehéieren niewent de Schoulmeeschteren an de Léierinnen, niewent den Educateurs an Educatrices diplômés a gradués och nach Psychologinnen, Heilpädagoginnen, Orthophonistinnen an nach aner spezialiséiert Beruffer zur Équipe pédagogique.

Mir hunn d'Rechnung net gemaach, ob dëse Schoulmodell soll méi deier gi wéi eis Regelschoul. Mir ginn awer dervun aus:

1. datt bei enger École de recherche de Käschtepunkt bei Wäitem net déi wichtegst Roll dierft spillen;
2. datt d'Käschte wahrscheinlech net oder net wäit iwwert deene vun der Regelschoul stinn. Mir hunn hei zwar méi en héije Personalschlëssel, mä mir spueren jo och souwuel SREA wéi Plazen an Ediff-Strukturen an eventuell an der Logo;
3. geet et hei ëm ee politesche Choix. Wëlle mir un enger Gesellschaft schaffen, déi vu virer Mënschen - hei sinn et Kanner - ausschléisst, déi mir dann erëm mat vill Moyenen a Méi probéieren ze integréieren? Oder wëlle mer dat vermeiden an eng Gesellschaft schafen, wou d'Mënschen alleguer mateneen funktionnéieren, jiddfereen no senger Moyenen? Mir Gréng hunn eise

politesche Choix fir eng inklusiv Gesellschaft getraff.

Och d'Zesummesetzung vun de Klassen ass anescht an „Eis Schoul“. Wann d'Schoulentwécklung vun deene leschte Jorzénge am ganze Land eis vun de Méijoergangsklassen op d'Eejoergangsklasse bruecht huet, esou gëtt hei bewosst op d'Eejoergangsklasse verzicht. Ëmmer dräi Joergäng ginn an engem Klasseverband regruppéiert. Domat soll dee falsche Gedanke vun der Homogenitéit vu virer keen Nährbuedem kréien.

Et sinn och bewosst dräi Joergäng an ee Grupp zesummegefaasst ginn an net zwee, wéi de Ministère dat mat sengen Zykle wëllt soss iwwerall virschreiwen. Hei ass op d'Erfahrung aus zum Beispill der Labor-schule Bielefeld zréckgegraff ginn. Bei dräi Joergäng ass festgestallt ginn, datt déi grouss Kanner deene Klengen hëlfelefen. Déi aus der Mëtt kënnen sech jee no hirer Entwécklung éischter bei deenen engen oder bei deenen aneren uschléissen. Bei zwee Joergäng ass d'Zusammenaarbecht mat vill méi Rivalitéiten a Komplikatoune verbonnen.

„Eis Schoul“ ass eng Ganzdagsschoul mat enger obligatorescher an enger fakultativer Plage horaire. Déi obligatoresch Presenz vun de Kanner bedeit, datt all Kand hei mindestens 36 an eng hallef Stonn an der Schoul ass. An dës Zäit fällt och d'Mëttegessen, dat gradesou wéi déi fakultativ Aktivitéit mat Onkäscht fir d'Eltere verbonne ka sinn. Ob d'Mëttegiessen net prinzipiell gratis misst sinn, wëll ech hei net verdeiwelen. Wat eis para- a périscolaire Aktivitéit betrëfft, besteet awer sécher nach Handlungsbedarf fir eise ganze Schoulsystem. Bei deem Projet ass dee Volet gutt geléist.

„Eis Schoul“ ass och Virreider, nieft der Jean-Jaurès-s-Schoul zu Esch, wat d'Ganzdagsbetreiung an der Schoul ugeet. Fakultativ sinn nach eng Stonn moies a bis dräi Stonnen am Nomëtteg virgesinn.

Am Projet de règlement grand-ducal zum Gesetz ass dann och d'Tache vun den Enseignanten an deem anere Personal festgehalen. D'Schoulmeeschtere sinn 30 Stonnen an der Schoul present. Wéi si hir Zäit opdeelen ass relativ vag gehalten an dat ass och gutt esou. D'Educateurs an d'Educateurs gradués si während der Schoulzäit 44 Stonne present.

An den Artikelen 10 bis 14 ginn eng Rei Organisations- a Gestionsstrukturen agefouert. Mir begrësse se alleguer: d'Personalversammlung, de Schülercomité, den Elterecomité, de Schoulcomité an de Conseil d'école.

All dës participativ Strukture maache Sënn. Eis feelt awer en Direkter an där Schoul. Mir haten een Amendement an der Chamberskommissioun erabruucht, wou mer den Artikel 11 gäre geännert hätten. Ee President, dee vun engem Comité désignéiert ass - an ech zitieren -: «qui exécute les décisions du comité d'école», huet net déiselwecht Méiglechkeete wéi een Direkter, deen als Direkter nominéiert ass an dee selbstverständlech mat alle participative Gremien zesummeschafft.

Et ass erstaunlech, datt besonnesch d'CSV, déi op praktesch all Schoulkommissiounssetzung ee Shouldirekter fir eis Primärschoule gefrot huet, eist Amendement net matgedroen huet. Mä vläicht ass et jo do och en Handel ginn tëschent de Koalitiounsparteien: Dir verzicht op den Direkter, da verzichte mir op de gemeinsame Wäerteunterrecht.

» **Une voix.** - Dat war net deen éischten!

» **Une autre voix.** - Hohoho!

» **M. Claude Adam (DÉI GRÉNG).** - Dat ass nämlech e weidere Punkt am Gesetzesprojet, dee fir eis ganz einfach onverständlech ass, jo eigentlech d'Seriositéit vun deem ganz flotte Projet a Fro stellt. Et ass fir déi Gréng einfach onverständlech firwat eis Regierung eng Schoul geschaffen huet, déi voll a ganz op eng inklusiv Pädagogik setzt, dat heescht eng Schoul fir all Kanner; ech erënnere nach eng Kéier un den Artikel 2 vun der UNO-Kannerrechtskonventioun.

Souguer am Commentaire des articles steet zum Artikel 1: «La pédagogie inclusive part „du principe fondamental que tous les élèves d'une communauté doivent apprendre ensemble, dans la mesure du possible, quels que soient leurs handicaps et leurs difficultés“.» An dëser Schoul ass grad just an eenzeg an eleng d'Relioun een Handicap, deen zu enger Exklusivitéit féiert. An enger Schoul, wou mir d'Kanner net no hirem Alter trennen an net no hire Besoinen spécifiques, do trenne mer d'Kanner no de reliéisen Usichte vun hiren Elteren.

» **Une voix**.- Très bien!

» **M. Claude Adam (DÉI GRÉNG)**.- Hei gëtt parallell ee Reliounscours an ee Moralscours organiséiert. Dat ass net an der Rei.

» **Plusieurs voix**.- Très bien!

» **M. Claude Adam (DÉI GRÉNG)**.- An enger Schoul, wou all Intervenant Member vun der Equipe vum Personal ass, wou déi ganz Equipe dem Educationsministère ënnerstallt ass, do fanne mir nach Plaz fir een eenzegen Externen: de Vertrieider vum Bistum, deem säin eenzege Chef den Erzbëschof ass. Den Amendement vun der grénger Partei, fir ee gemeinsame Wäerte-unterrecht nom Virbild vum „Neie Lycée“ an „Eis Schoul“ anzeféieren, ass ofgelehnt ginn; och vun der LSAP. Dat ass och schwéier ze verstoen.

Déi Inkonsequenz am Projet, dee Widder-sproch, léif Kolleeginnen: a Kolleegen, dee geet eendeiteg op de Kont vun der Politik. D'Politik hat hei net de Courage fir de Wee ze goen, deen d'Konzept vun der inklusiver Pedagogik virschreift.

Méi Courage hat d'Madame Minister, wéi et ëm d'pedagogesch Fräiheet vun „Eis Schoul“ gaangen ass. Den Enseignement baséiert op enger interdisziplinärer Ap-proche. Et ass der Schoul och fräigestallt, Schoulbicher ze benotzen, déi net op der Lëscht vun der Commission d'instruction stinn.

Vill Courage weist de Projet och, wann et ëm d'Evaluatioun vun de Schüler geet. Ech hat schonn drop higewisen, datt et keng Jorgangsklassen an dëser Schoul gëtt, mä datt d'Kanner an Altersgruppen zesumme-gesat sinn, déi vun dräi bis fënnef, vu sechs bis aacht a vun néng bis eelef Joer ginn. D'Sëtzebleiwen ass ofgeschaaft - mir gratu-léieren!

Am Artikel 7 gëtt festgehalen, datt fir all Schüler e Portfolio zesummegehallt gëtt, deen ausféierlech iwwert deem eenzelne Schüler seng schoulesch Progressioun informéiert. Deel vun dësem Portfolio ass eng Aart Tagebuch, wou d'Schüler lues awer sécher drop higefouert ginn, sech selwer korrekt ze evaluéieren. Dat ass ongewinnt. De Statsrot stéisst sech drun a mengt, d'Kanner kéinten dat net. An „Eis Schoul“ sollen d'Kanner dat awer léieren, a mir mengen, datt dat keen einfachen, awer e ganz wichtege Exercice fir all Kand ass an datt d'Schrëtter zu enger Selbsteva-luatioun ganz fréi kënnen ufänken.

Just mam Travail de fin d'études primaires hu mir eis Problemer. En éischte Problem hu mer mam Volume vun der Aarbecht. Wann een am Exposé des motifs liest, wat alles an deem Travail de fin d'études primaires age-paakt gëtt, da schéngt eis dogéint déi aktuell Orientatioun am 6. Schouljoer, just vum Volume hier gekuckt, e Kannerspill.

Ech hunn awer Vertrauen an déi peda-gogesch Equipe a ginn dovun aus, datt dës Equipe schonn derfir suergt, datt d'Kanner net platt gemaach gi mat dëser Aarbecht.

En zweeten, vill méi déif gehende Problem ass awer, dass dës Aarbecht vun eelef- an zweielefjährege Kanner muss gemaach hunn. Et wier pedagogesch vill méi sänn-voll, wann den Travail de fin d'études primaires en Travail de fin de l'obligation scolaire wier. Et ass erëm eng Kéier de Mangel u politeschem Courage, deen hei eng wichteg Ausriichtung vum Projet verhénnert huet. Dëse Projet dierft net mat der Grupp vun den Néng- bis Eelefjähregen ophalen. D'Orientatioun an de Lycée classique an an de Lycée technique kënnt einfach ze fréi. Hei baue Kanner jorelaang Wëssen op, hei ginn nei pedagogesch Weeër gaangen, hei gëtt eng aner Kultur vum matenee Léieren gefördert, an am classeschen Alter vum 6. Schouljoer gëtt dat da futtigemaach.

Mir wëlle keng Zoustëmmung vun der fal-scher Sait. Duerfir nach eng Kéier daitlech: Mir hu keng Suerg, datt déi Kanner, déi jore-laang an „Eis Schoul“ geléiert a geschafft hunn, net kéinte Fouss an eiem traditionelle Schoulsystem faassen. Am Géigendeel. Si missten esou gutt preparéiert sinn, wat Aar-bechtsattitüd, Selbstevaluatioun, Selbst-wäertgefiller, kritesche Geescht ugeet, datt si am Groussen a Ganze mat hiren Aar-bechtsskolleegen, déi en anere schoulesche Wee gaange sinn, kënne mathalen.

Mir si ganz einfach iwwerzeegt dovun, datt den Iwwergang an den dräigliederege Schoulsystem ze fréi kënnt, datt een d'Schüler méi laang soll mateneen a vu-nenee léiere loossen an datt dat be-sonnesch daitlech gëllt fir eng Schoul, déi ganz kloer net op Selektioun setzt, eng Schoul, déi op Inklusioun baut.

(**M. Lucien Weiler reprend la Présidence**)

„Eis Schoul“ fir all schoufflichteg Kanner mécht also eng éischt Exklusivoun, an zwar no der reliéier Astellung vun den Elteren, an eng zweet Exklusivoun dann, wann d'Kanner zwar nach schoufflichteg sinn, awer den Alter vum 6. Schouljoer iwwer-schreiden. Dat ass an eisen Ae méi wéi e Schéinheitsfeeler.

A fir dat ze erkläre kommen ech op deen anere wichtege Aspekt vun dësem Gesetz an dëser Schoul. Et handelt sech hei net just ëm eng Schoul mat engem innovative peda-gogesch Konzept. Et ass och eng École de recherche. Am Artikel 15 gëtt e Conseil scientifique installéiert, dee fir d'Koordi-natioun vun der Recherche an der Schoul-entwécklung zoustänneg ass. An dem Conseil scientifique si sechs Leit, dovun zwee Wëssenschaftler vun der Uni. Am Artikel 16 gëtt d'Zesummenaarbecht tëschent der Uni an „Eis Schoul“ festge-halen. Et ass och eng Évaluation externe vir-gesinn, an dat ass wichteg.

Interessant ass an deem Kontext, datt d'Unité de recherche EMACS vun der Uni Lëtzebuerg zum Beispill e Konferenzzyklus organiséiert zum Thema „L'école luxem-bourgeoise de demain“. Déi Equipe vu Chercheuren, déi schonn den Neie Lycée wëssenschaftlech begleet, stellt am Fong geholl ëmmer erëm déiselwecht Resultater vir. De Lëtzebuerger Schoulsystem ass ze vill selektiv. Mir differenzéieren net genuch am Unterrecht. Mir gräifen ze vill oft zum Allheilmittel Sëtzebleiwen. Hei dréit „Eis Schoul“ deenen Erkenntnisser Rechnung a geet aner Weeër.

Déiselwecht Chercheurë soen awer och ëmmer erëm, datt mir eis Kanner ze fréi op-deelen op dräi Filiëren - classique, tech-nique a modulaire. Där Erkenntnis droe mir an eiem innovative Projet vun enger École de recherche schonn direkt net Rechnung. Dobäi géif sech grad just hei d'Méigle-keet bidden, Recherche ze maachen, wéi mir eis zu Lëtzebuerg missten ustellen, fir e gemeinsamen, sënnvollen Unterrecht fir déi dräizéng- bis fofzéngjähreg Schüler ze organiséieren.

Mir stellen eis do d'Fro, wéi seriö mir dann elo déi wëssenschaftlech Begleedung därferen huelen. Wat geschitt mat den Erkenntnisser, déi d'Uni an déi „Eis Schoul“ maachen? Si mer bereet dat ëmzesetzen an eise Schoulen, wat sech als richtig ze erkenne gëtt, oder setze mer just dat ëm, wat eis politesch an de Krom passt?

Dat gëllt och fir en anere wesentlechen Aspekt vum Projet d'une école de recher-che, dem Émgang mat eiser Sprooche-vielfalt an eise Schoulen. Hei ass „Eis Schoul“ och bereet nei, aner Weeër ze goen. Schonneleng den Aspekt vun der sproochlecher Situatioun zu Lëtzebuerg justifiéiert d'Schafung vun dëser Schoul. Eigentlech ass et onverständlech, datt mir bis elo op deem Domän nach praktesch näischt opzeweisen hunn. D'Problemer si jo net vun haut an net vu gëschter.

„Eis Schoul“ wëllt d'Mammesprooch vun de Kanner revaloriséieren. Dat mécht be-stëmmt Sënn. Wéi reagéiert d'Politik awer, wa mer géife feststellen, datt mer eventuell zweegleiseg mat der Alphabetiséierung misste fueren?

Léif Kolleeginnen a Kolleegen, ech kommen zum Schluss. Wann eis Regierung an d'Madame Minister emol net bei enger École préscolaire et primaire de recherche fondée sur la pédagogie inclusive de politesche Courage huet, e gemeinsame Wäerter-unterrecht fir all Kanner anzeféieren, an och net de Courage huet, de Projet iwwert déi ganz Schoufflicht auszudehnen, obschonn dat sech opdrängt; wann d'Madame Minister zwar hei vill positiv Struktüre vu Participatioun festhält, awer net mat engem Direkter fir Transparenz a Konsequenz suerge wëllt, da versti mir, firwat deen anere Projet, deen haut net zur Debatt steet, dee vun der Schoul-reform, esou bescheiden ausgefall ass.

Bei aller Kritik u mangelndem politesche Courage bei dësem Projet, sinn DÉI GRÉNG der Meenung, datt déi positiv Aspekter bäi wäitem iwwerweien. Dat grousst Schoul-gesetz wäert sech un dësem Projet musse moossen, an ech kann lech elo scho soen, datt dat grousst Schoulgesetz da ganz blatzeg ausgesäit.

Hei ass d'Fro gestallt ginn: Ass „Eis Schoul“ e Modell fir d'ganz Land? Ech menge ganz kloer net. Dat ass och net esou geduecht, mä...

(**Coups de cloche de la Présidence**)

» **M. le Président**.- Här Adam, Är Rie-dezäit ass ofgelaf.

» **M. Claude Adam (DÉI GRÉNG)**.- Ech kommen zum Schluss, Här President, Merci.

Mä dat ass net esou geduecht, mä ech mengen, d'ganz Land misst kënne vun där neier Schoul léieren.

Ech bréngen trotz alle Bedenke mat Freed den Accord vun der grénger Partei zu dësem Gesetz a wënschen der Équipe pédagogique mat hire Schüler a Schülerinne vill Satisfaktioun an Erfolleg an „Eis Schoul“.

Merci.

» **Plusieurs voix**.- Très bien!

» **M. le Président**.- Merci, Här Adam. Den honorabelen Här Mehlen huet d'Wuert elo.

» **M. Robert Mehlen (ADR)**.- Merci, Här President. Fir unzefänken och dem Rapporteur e Merci fir säin ausféierleche Rapport.

Madame Minister, mir sinn der Meenung, Dir sidd net ze beneiden.

(**Interruptions**)

Mir si souguer der Meenung, Dir kënnt engem richtig leeddoen. Dir sidd ge-fuerdert, dat, wat eng ganz Rëtsch vun Äre Virgänger iwwer Jorzéngte versaimt hunn, opzehuelen, déi duerch hiert Gekniwwels a Geknëschels aus der gudder Lëtzebuerger Schoul d'Lanterne rouge an der ganzer OCDE fäerdeg bruecht hunn.

Et besteet e gewaltege Décalage hei zu Lëtzebuerg tëscht dem finanziellen Op-wand an dem Resultat. Mer wëssen, datt eis Schoul zweeannehallefmal méi deier pro Kapp kascht wéi an der Moyenne vun der OCDE an datt mer an de PISA-Tester regel-méisseg hannen um Wupp landen.

Mer wëssen, datt ronn 1.200 Kanner all Joer hei aus der Schoul kommen ouni Ofschluss. Mer wëssen, datt der bal 5.000 am Ausland sinn, deenen eis Schoul net hëllef kann an déi dann am Ausland a Schoulen, déi mat vill wéineger finanzielle Mëttele mussen iwwert d'Ronne kommen, gehollef kréien. D'Aarbechtswelt an och d'Astellunge beim Lëtzebuerger Stat bestätegen, datt eis Schoul an enger déiwer Kris stécht.

Wat muss geschéien?

D'ADR, Här President, ass der Meenung, datt mer dréngend eng déif gräifend Reform vun der Lëtzebuerger Schoul brauchen. Et ass richtig, datt ganz ënne muss ugesat ginn, an zwar schonn am Précoce an an der Spillschoul.

Mir brauche méi individuell Betreiuung, e méi individuellt Agoen op d'Besoinë vun de Kanner. Dat ass richtig. Mir brauche méi Flexibilitéit am Schoulhalen. Och dat ass richtig. Mir brauchen dréngend méi en intensiivt Zesummeschaffen tëscht Elteren a Léierpersonal. Och dat ass richtig.

Ass awer hei am Kader vun dësem Projet dee Punkt do garantiéiert? Mir gëtt gesot, datt nëmmen en Entretien mat den Eltere virgesi wär an datt d'Elteren net bei der Eva-luatioun an der Entwécklung vum Projet derbäi wären. Et feelt - mäi Virriedner huet et scho gesot - eng staark Direktioun an eng kloer Hierarchie, fir dee Betrib do ze féieren.

Här President, ass eng École de recherche eng gutt Léisung an där Situatioun, wou mer hei am Land sinn? Mir soen: D'Zilsetzung ass ganz sécher gutt, mä et gëtt eng ganz Partie Risiken an Nodeeler. Hei gëtt eng Schoul gemaach, wou Experimenten mat Kanner ugestallt ginn. Si ginn als Versuchs-karnickel vun der Natioun agesat.

D'Fro stellt sech: Ass fir déi Kanner, wou d'Elteren eventuell plënneren - wéi een dat op Lëtzebuergesch seet -, e Wiessel an eng normal Schoul méiglech wa se eng Kéier do dra sinn? Wéi ass et herno mam Iwwergang an de Secondaire oder an den Technique? Mussen d'Kanner herno an den Neie Lycée goen, fir iwwerhaupt eng Erfolgchance duerno ze hunn?

Dann, Madame Minister, kritt een hei - an dat ass fir mech, wann dat schonn eng École de recherche soll sinn - den Effet vun der Motivation supplémentaire vum Léier-personal, vun deene Leit, déi dee Projet hei sollen duerchzéien, an der Evaluatioun iwwerhaupt erausgerechent? Mir zweifele ganz staark dorun.

Här President, d'Meenung vun der ADR ass ganz kloer déi heiten: D'Absicht ass luewenswäert, mä wat mécht d'Politik nor-malerweise wa se sech net traue Problemer décidéiert unzepaken? Et gëtt an der Regel eng Etüd ordonnéiert oder eng Kom-missioun agesat. Hei gëtt zwar keng Kom-missioun agesat, mä hei gëtt eng expe-rimentell Schoul an d'Welt gesat. Et kann ee sech d'Fro stellen: Firwat dann experi-mentéieren a studéieren? Meng Virriedner an och de Rapporteur si jo zum deene am Detail dorop agaangen. Ech kann dat aus Zäitgrënn net.

Mir stellen awer fest, datt d'OCDE eis an hirem Rapport ganz kloer seet wou eis Schwaachpunkt sinn. Mir wëssen, datt mer deelweis an enger spezieller Situatioun sinn. Mä wou eis Schwaachpunkt sinn, dat wësse mer och zum allergréissten Deel selwer, wa mer éierlech sinn.

Op ongezielten Universitëiten an der ganzer Welt gëtt Fuerschung iwwert d'Verbes-erung vun den Unterrechtsmethode be-driwwen. Mir kënnen ouni Problem op d'Re-sultater vun deene Fuerschungen zrëck-gräifen. Aner Länner mat gudde Resultater weisen eis, wéi een et besser ka maachen.

Madame Minister, Dir wësst, datt mer zu enger etlech a Finnland waren, wou mer och Schoule besicht hunn. Déi Schoulen, déi mer besicht hunn - dat muss ech soen -, waren der net, wou nëmme privilegiéiert Kanner vu finnescher Sprooch a finnescher Ofstamung enseignéiert gi sinn. Mä si hunn eis ganz bewosst a gewollt a Schoule gefouert, wou zum Beispill 20% Auslänner waren a wou och e groussen Deel finnesch Kanner aus sozial defavoriséierte Milieue gestaamt hunn. Mir hu festgestallt, datt déi Schoulen e bësse méi wéi eis al traditionell Schoul fonctionnéiert hunn; erstaunlecher-weis fir eis. Mir hunn do villes geléiert, wat mer hei zu Lëtzebuerg net onbedéngt nach eng Kéier nei mussen experimentéieren an erausfannen.

D'Alternativ zu dësem Projet wär d'Fuer-schung am Kader vun eiem normale Schoulbetrib an Zesummenaarbecht mat der Uni Lëtzebuerg, fir eenzel Elementer kënnen ze evaluéiere wann ee verschidden Elementer enger Ännerung ënnerzitt.

Här President, mir sinn der Meenung, datt dës École de recherche en Alibi ass, fir keng allgemeng fundamental Reform ze maachen, déi mer esou néideg hunn. Elo kréien ech natierlech als Äntwert: Ma mer sinn dach amgang dat ze maachen. Do deelen ech awer och d'Meenung vu mengem Virriedner, datt dat, wat de Moment als déi grouss Reform vum Schoul-gesetz vun 1912 duergestallt gëtt, bei Wäitem net duergeet fir deen Défi, deem mer ausgesat sinn.

Déi École de recherche ass d'Symbol vun der Flucht virun der Verantwortung, déi elo schonn 20 Joer dauert. Et ass eng luewenswäert Initiativ - an dat muss awer och hei gesot ginn - vu Leit um Terrain, déi d'Flemm hu mam aktuelle System an déi gesinn, datt mer eis an d'Sakgaass verrannt hunn, an déi duerfir aus eegener Initiativ e Projet ausgeschafft hunn, deen, wéi gesot, luewenswäert ass, a fir ze kucken dann endlech vläicht iwwert dee Wee eppes deblockéiert ze kréien.

Den Développement am Kader vun dëser Schoul vun der Qualitéit: Mir gëtt gesot, datt d'Uni do nach an de Kannerschong géif stiechen, et wäeren nëmmen 300.000 Euro dofir virgesinn. An et gëtt mer gesot, datt eleng d'Kommissioun fir d'Evaluatioun - dat ass awer eng aner - am 6. Schouljoer scho 700.000 Euro, dat heescht méi wéi dat Duebelt, gebraucht hätt, fir d'Indemnitéiten un déi Leit auszebezuolen, déi sech domat ofginn. D'Uni an de Script sinn net prett, fir de Suivi an der Evaluatioun ze maachen. D'Fro muss gestallt ginn: Wou sinn dann zu dësem Zäitpunkt d'Evolutionuskritären?

Dann en aneren Nodeel: Et dauert immens laang an deem Zäitdrock, wou mer eis befannen, fir d'Lëtzebuerger Schoul grond-leeënd ze reforméieren. Et dauert immens laang bis geséichert Resultater virleien; wann et der iwwerhaupt gëtt aus deene Grënn, déi ech schonn ugefouert hunn. Am Prinzip dauert et jo e ganzen Zyklus, well eng definitiv ofschléissend Bewäertung kann ee jo eréischt maache wann e Kand déi ganz Schoul duerchlaf huet, vum Ufank bis zum Enn. Dat wäere jo dann am normalen néng Joer. Soulaang kënnen mer natierlech net waarden. Dir äntwert mer, Madame Minister, wahrscheinlech, datt ee jo scho relativ séier Zwëscherresultater kritt.

Här President, ech kommen zur Kon-klusivoun. Musse mer hei zu Lëtzebuerg d'Rad nei erfannen, wann anerer et schonn honnertmol erfionnt hunn? Mir sinn der Meenung, datt dat hei de falsche Wee ass, fir d'Lëtzebuerger Schoul an engem rason-nabelen Délai - an do hu mer kee Choix - ze reforméieren. Mir sinn der Meenung, datt

hei erëm eng Kéier Zäit verluer gëtt mat experimentéieren an evaluéieren. Mir sinn och der Meenung, datt trotzdem fir déi Kanner, déi an dee System hei agebonne ginn, Risiken dermat verbonne sinn. Aus där Ursach, Här President, Dir Dammen an Dir Hären, kënnen mir dësem Gesetz eis Zoustëmmung net ginn.

Ech soen Iech Merci.

» **M. le Président.**- Merci, Här Mehlen. Als leschte Riedner ass den honorabelen Här Berger agedroen.

» **M. Eugène Berger (DP).**- Merci, Här President. Léif Kolleeginnen a Kolleegen, mir diskutéieren hei iwwer e Projet, deen nei Weeër wëllt goen, fir op déi Problemer an Défien anzegoen, déi een am Allgemenge mat „Échec“ an „Exclusion scolaire“ be-zeechent. Et ass e Projet, dee méi spe-zifesch d'Grondschoul betrëfft a bei deem ech wëll besonnesch folgend Punkte positiv ervirhiewen.

Et ass eng Approche, wou differenzéiert an individualiséiert Unterrechtsformen an Aar-bechtsweisen am Vierdergrond stinn, mam Zil fir d'Kanner zu méi aktivem, selbst-stännegen a responsabele Léieren erun-zeféieren a se fir d'Schoul an d'Leeschung ze motivéieren. Dat gëllt och fir d'Be-wäertung, déi net op d'Sanktioun mä op konstant a formativ Evaluatioun opbaut.

Et ass eng Ganzdagsschoul, wat eng Änt-wert ass op eng Demande respektiv e Besoin vun der heiteger Gesellschaft an hire verännerte Forme vun Zesummeliwwen a Familljen.

Et soll eng Schoul ginn, wou Kanner vun ënnerschiddlechste sozialen a kulturellen Originé sollen integréiert ginn. Bemier-kenswäert ass och, datt d'Léierinnen an d'Schoulmeeschtere sech iwwert déi klassesch Tâche eraus engagéieren, fir an der Schoul ze schaffen a sech ze concer-téieren.

Ech wëll awer och ënnersträichen, datt ee bei eiser Schoul net exklusiv Neiland hei zu Lëtzebuerg betrëtt. Iwwer Land an eise Primärschoule ginn et schonn eng ganz Rei Initiativen a Pilotprojeten, déi schonn déi eng oder déi aner Elementer vun „Eiser Schoul“ an der Praxis ëmsetzen. Si sollen net vergiess ginn a mussen och weiderhin eng adequat Ennerstëtzung kréien.

Mat Kolleegen zu Réiser a Bierchem zum Beispill hat ech d'Geleeënheet, ech géif och soen d'Chance, virun iwwer zéng Joer bei esou enger Initiativ matzemaachen, déi an enger Rei Aspekter, besonnesch wat d'Un-terrechtsformen an -organisatiounen ube-laangt, praktesch dat war, wat elo soll an där neier Schoul ëmgaset ginn. Ech konnt och deemools dat Positiivt fir de Schüler an awer och fir den Enseignant derbäi erlie-wen. Ech sinn och frou, datt eng Rei Konzepter, déi mer deemools ugefaangen hunn, hir Weeër gemaach hunn.

Sécherlech ass dee Projet, dee mer elo dis-kutéieren, net perfekt an et goufe ver-schidde Froen a Kritiken - ënner anerem vum Jos Scheuer, dem Claude Adam an dem Claude Meisch - opgeworf, déi ganz pertinent sinn. Ech kann déi Bedenke ver-stoen, ech deele se awer net onbedéngt all a sinn der Meenung, datt een dësem Projet soll eng Chance ginn. Ech wäert duerfir och fir dëse Projet stëmmen.

Ech soen Iech Merci.

» **Plusieurs voix.**- Très bien!

» **M. le Président.**- Merci, Här Berger. Domat ass d'Diskussioun ofgeschloss. D'Wuert huet elo fir d'Regierung d'Madame Mady Delvaux, zoustänneg Ministesch.

» **Mme Mady Delvaux-Stehres, Ministre de l'Éducation nationale et de la Formation professionnelle.**- Här President, Dir Dammen an Dir Hären, wann iwwert d'Schoul geschwat gëtt an dësem Gremium an op anere Plazen, da gëtt oft lamentéiert, an ech hunn eigentlech keng Loscht fir ze lamentéieren.

Ech begéinen nämlech, wann ech op den Terrain ginn, onheemlech vill Schoulen, Primärschoulen an och Lycéeën - mä mer schwätze jo haut vu Primärschoulen -, déi sech a Bewegung setzen, déi Projete

maachen, déi probéiere mat där kom-plizéierter Schoulpopulatioun an an eiser komplizéierter Gesellschaft Äntwerten ze fanne fir déi Kanner, déi hinnen uvertraut sinn, se ze qualifizéieren a se esou wäit wéi méiglech ze bréngen.

Et gëtt där Schoule vill. Den Här Berger huet e Beispill genannt, ech wëll net eng Lëscht maachen, well ech riskéieren, een ze ver-giessen, mä ech kann Iech garantéieren, et gëtt vill Schoulen, déi gesinn, dass ee sech eigentlech muss upassen.

D'Zil, wat mer virginn, ass fir all d'Schoulen datselwecht, de Programm ass dee-selwechten, d'Kompetenzen, déi mer gär vun de Kanner hätten, sinn déiselwecht, awer de Wee, wéi een d'Kanner op dat Zil bréngt, deen hänkt vun de Géigenden of vum Land, en hänkt of vun der Personalitéit vun den Enseignanten, vum Geescht, deen an der Schoul herrscht, an u sech gëtt et net a priori eng gutt oder eng schlecht Method, mä et geet drëm, fir déi richteg ze fannen, fir d'Kanner zu deem Zil ze bréngen.

Wat awer speziell ass un deem Projet, deen haut hei virläit, dat ass éischstens, dass e ganz prezis sech bekennt zur inklusiver Pedagogik. Meng Virriedner sinn alleguer dorobber agaangen. Ech denken, dass vun haut un de Begrëff vun der inklusiver Peda-gogik wäit am Lëtzebuenger Land verbreet ass. Et geet also drëm, net auszegrenzen, mä jiddferree matzehuelen an dovunner aus-zegoen, dass jiddferreen eppes kann. All Kand ass capabel, all Kand huet aner Potenzialitéiten. Et geet drëm, fir dorausser déi bescht ze benotzen, fir se alleguerten zesumme weiderzebréngen.

Déi opfälleg Zeechen un der inklusiver Pedagogik sinn natierlech déi, déi hei ervir-gestrach si ginn. Dat ass, dass et drëm geet, Kanner mat Besoins spécifiques net auszegrenzen, mä se an den Unterrecht ze integréieren, an dann eben och déi ganz Vielfalt vu soziale Schichten, vu Sproochen-hannergrond, fir dat alles an darselwechter Schoul mat de Kanner alleguer zesummen zum Räichtum an zur Entwécklung ze bréngen.

Dat zweet Element, dat speziell ass un dëser Schoul a se vun anere Schoulen ënnerscheet, dat ass, dass et eng For-schungsschoul ass. Et ass eng École de recherche.

Wat sinn déi Haaptobjeten, iwwert déi recherchéiert gëtt?

Dat ass, éischstens: Wéi differenzéieren ech? Wéi ginn ech mat Heterogenitéit ëm? Well mer a villen Débaten eigentlech identi-fizéiert hunn, dass dat dee gréissten Défi ass fir d'Lëtzebuenger Schoul: Wéi soll eis Schoul sech op d'Heterogenitéit astellen?

Deen zweete grouse Volet ass dee vun der Villsproochegkeet. An deem Land, wou mer gären hätten, dass all Kand Lëtze-buergesch, Däitsch, Franséisch an Eng-lesch kann, a wou vill verschidde Mamme-sprooche mélangéiert sinn, ass dat e groussen Domaine de recherche, deen eigentlech keen anert Land eis kann of-huelen, wou mer also mussen selwer eis Weeër a Piste sichen.

Deen drëtten Volet ass dee vun der Elteren-aarbecht. Och dorobber hu meng Virriedner insistéiert.

An dee véierte Volet ass deen: Wéi be-wäerten ech d'Kanner? Wéi benouten ech? An do ass e Portfolio virgesinn. Och dat ass net onbedéngt Neiland, well et gëtt scho vill Schoulen, déi mat Portfolio schaffen. Mä et ass fir déi bescht Praktiken an dee beschten Usage vun deene Portfolien erauszefannen.

Ech fannen och, dass deen Travail de fin d'études primaires eng interessant Pist ass, well en d'Méiglechkeet gëtt, fir net nëmme sektoriell Kompetenzen ofzefroen, mä fir ze beweisen, wat déi global, déi transversal Kompetenz vun engem Kand sinn.

An ech stelle fest an der Diskussioun, déi mer hei ënner Pedagogien hunn, dass ganz vill Leit de Kanner eigentlech ze wéineg zoutrauen. Hei ass wierklech résolument d'Optioun geholl, Kanner si capabel, all Kand kann eppes, a mir sollen hinnen d'Méiglechkeet ginn, ze weisen, wat se kënnen.

Wichtig un där Schoul ass, dass et e Retour gëtt an d'Formation initiale. Duerch d'Ze-summenaarbecht mat der Universiteit Lëtzebuerg an der Recherche, déi si mécht mat den Enseignanten, mat den Educateurs vun „Eis Schoul“, erwaarde mir eis na-tierlech, dass déi Erkenntnisser zrëck-fléissen an d'initial Ausbildung vun de Schoulmeeschteren a vun den Educateurs gradués, wat fir mech e wichtegt Element ass vun där Recherche.

An dat zweet wichtegt Element, dat ass, dass déi Schoul jo net eng Insel ass fir sech,

mä dass se an engem Réseau fonc-tionnéiert, well mir géife gären déi Schoule vernetzen, d'Schoulen an d'Enseignanten, net nëmmen déi, déi an dëser Schoul sinn, mä déi, déi an anere Schoulen aktiv sinn a sech interesséiere fir nei Initiativen, nei Praktiken, déi entwéckelt ginn.

Dat si fir mech déi zwee wesentlech Elementer, dass et iwwergeet op dee ganze Lëtzebuenger Schoulsystem.

Et war eng Fro gestallt ginn, ob et da méig-lech ass, aus dëser Schoul, aus „Eis Schoul“ an aner Schoulen iwwerzegoen. Selbstverständlech ass dee Passage ëmmer méiglech, an et ass och net esou, dass, wann ee seng Primärschoul an „Eis Schoul“ gemaach huet, dass een da muss an eng Schoul guidéiert ginn, mä all Schoulen am Land stinn engem op, fir engem seng weider Sclaritéit ze maachen.

Déi zweet Fro, déi gestallt ginn ass, dat war déi vun der Evaluatioun vun der Schoul, also net d'Evaluatioun vun de Kanner, mä wien herno d'Appréciatioun mécht, ob déi Praktiken, déi an „Eis Schoul“ geschéien, positiv ze bewäerte sinn oder net. Dat ass selbstverständlech net d'Uni Lëtzebuerg selwer, mä do gëtt eng auslännesch Insti-tutioun domadder chargéiert, fir déi Eva-luatioun ze maachen.

Ech wëllt och hei soen, dass dee Projet „Eis Schoul“ nëmme méiglech ass, well mer éischstens eng Uni hunn, d'Uni Lëtzebuerg, déi e ganze Volet vun Educatioun huet a fir déi d'Educatioun e Schwéierpunkt ass. Et ass méiglech, well et eng Equipe vun enga-géierten Enseignantë gëtt, de GLEN, déi eigentlech voller Enthousiasmus un engem Projet geschafft hunn.

An ech denken, dass et d'Aufgab ass vu mir, vun der Regierung, fir Initiativen, positiv Initiativen opzefänken, se an e Gleis ze bréngen a se weiderzedreiwen. Ech gesi jiddelfalls dat als eng vun deene wichtegen Aufgabe vum Ministère, ëmmer ënnert dem Motto, ech hält gär, dass d'öffentlech Schoul esou attraktiv wéi méiglech ass, a fir dass se attraktiv ass, mussen mer hir d'Méig-lechkeet ginn, verschidde Forme vu Schoulen unzebidden, déi deene ver-schiddene Profiler vun de Kanner an den Er-waardunge vun de Kanner an deenen hiren Eltere gerecht gëtt.

Dëse Projet ass awer och nëmme méiglech, well mer an der Gemeng Lëtzebuerg e Partner fonnt hunn, dee bereet war an deen eng Schoul disponibel hat, an där dës Schoul konnt hiert Heem fannen.

Wichtig ass et mer och ze soen, dass e Projet, och wann e Pilote heescht, net e Selbstzweck ass, mä fir mech ass déi heite Schoul e Précurseur, e Laboratoire, fir ze weisen, wéi d'Schoul vun der Zukunft ka fonctionnéieren. An déi Prinzipien, déi hei an dëser Schoul applizéiert ginn, déi solle sech erëmfannen an der ganzer Schoul.

Ech kennen d'Schoulgesetz gutt - dat, wat um Instanzewee ass. Et ass scho laang an der Diskussioun, an déi grouss Prinzipien, déi doranner stinn, fanne sech erëm an deem Projet pilote.

Dat ass, éischstens, den differenzéierten Unterrecht. Dat ass, zweetens, dass d'Schoul a Cyclen organiséiert gëtt an net a Joergäng. Dat ass, drëttns, dass et eng Equipe an der Schoul gëtt, déi en Team muss bilden, wou zesumme muss dis-kutéiert ginn, wou zesumme Concertatioun stattfënnt ronderëm d'Kand. Dat ass, véiertens, d'Partenariat mat den Elteren. Dat ass, fënneftens, d'Équipe multiprofession-nelle, dass also aner Spezialisten - Pro-fessere vu Logopédie, Orthophonisten, Heilpädagogien - fir d'Schoulen zur Ver-fügung stinn, fir eben de Kanner deen Encadrement ze ginn, dee se brauchen, wann dann Déficiencë festgestallt ginn.

An da wëllt ech ee Punkt dobäifügen. Dat ass awer nëmmen e Wonsch. Ech weess net, ob dee Realitéit gëtt. D'Aarbechts-konditiounen vun de Schoulmeeschteren an „Eis Schoul“ sinn eigentlech esou definéiert, dass se eng Presenz vun 30 Stonnen an der Schoul hunn. Si hunn natierlech méi eng grouss Fräiheet, well se an Equipë schaffen, fir sech d'Kanner opzedeelen, an dat wär natierlech meng Lieblingsvariant fir déi nei Aarbechtskonditiounen fir d'Schoulmeesch-teren.

Wann also dëse Punkt och nach géif an Erfëllung goen, da wär ech bal e benei-denswäerte Minister, Här Mehlen.

Ech wollt der Chamber, dem Rapporteur, awer och der ganzer Kommissioun Merci soen, well et méiglech war schnell, nodeem den Avis vum Conseil d'État komm ass, dëse Projet hei an de Plenum ze bréngen. Et eilt. Mir si presséiert, well déi Schoul soll de 15. September starten. A wa mir wëllen d'Schoulorganisatioun an dee Wee leeden,

da gëtt et elo héich Zäit fir domadder unzefänken. Duerfir sinn ech frou, dass de Projet haut ka gestëmmt ginn. Ech soen och Merci fir déi breet Zoustëmmung.

D'Schoul kennt - well mir hu jo misse vir-schaffen an annoncéieren, dass déi Schoul de 15. September géif opgoen; an eisem Optimismus hu mer dorunner gegleeft - e groussen Intérêt. Et sinn iwwer 500 Kanner, déi ugemellt sinn, déi en Intérêt mani-festéiert hunn, fir sech an déi Schoul anze-schreiwen. Fir mech ass dat och en Zeechen. Et ass e Signal un eis alleguerten, dass et e grouse Besoin gëtt, dass „Eis Schoul“ sech de Kanner unhëlt, dass si sech net an ideologeschen Diskussiounen verléiert, mä dass mer sollen an der Praxis Léisunge sichen: Wéi brénge mir et fäerdeg d'Kanner alleguerten ze scalariséieren an hinnen eng Chance ze ginn, op déi héchst Qualifikatioun ze kommen?

Ech wär och frou, wann ech deenen Elteren, deenen hir Kanner net an der Schoul uge-holl ginn, kéint soen, dass si déiselwecht Qualitéit an déiselwecht Viraussetzungen an alle Schoulen hei am Lëtzebuenger Land géife fannen. Domadder géife mer ee grouse Schrëtt maache fir d'Equitéit, fir d'gläich Chancë fir all Kanner hei am Land.

Villmools Merci.

» **M. le Président.**- Merci, Madame Minister. Mir kommen elo zur Ofstëmmung iwwert dëse Projet de loi.

Vote sur l'ensemble du projet de loi et dispense du second vote constitutionnel

De Projet de loi 5761 ass ugehall mat 46 Jo-Stëmmen, bei 12 Abstentiounen.

Ont voté oui: Mmes Sylvie Andrich-Duval (par M. Marcel Oberweis), Nancy Arendt (par M. Norbert Haupt), M. Lucien Clement, Mmes Christine Doerner, Marie-Josée Frank, Marie-Thérèse Gantenbein-Koullen (par Mme Françoise Hetto-Gaasch), MM. Marcel Glesener, Norbert Haupt, Mme Françoise Hetto-Gaasch, MM. Ali Kaes, Paul-Henri Meyers, Laurent Mosar, Marcel Oberweis, Gilles Roth, Patrick Santer, Marcel Sauber, Jean-Paul Schaaf, Marco Schank, Marc Spautz, Mme Martine Stein-Mergen (par M. Lucien Thiel), MM. Fred Sunnen, Lucien Thiel, Lucien Weiler et Michel Wolter;

MM. Marc Angel, Alex Bodry, John Castegnaro, Mme Claudia Dall'Agnol, M. Fernand Diederich, Mme Lydie Err (par Mme Claudia Dall'Agnol), MM. Ben Fayot, Jean-Pierre Klein, Mme Lydia Mutsch (par M. Romain Schneider), MM. Roger Negri (par M. Ben Fayot), Jos Scheuer, Romain Schneider, Roland Schreiner et Mme Vera Spautz;

M. Eugène Berger;

MM. Claude Adam, François Bausch (par M. Félix Braz), Félix Braz, Camille Gira, Jean Huss (par M. Claude Adam), Henri Kox (par M. Camille Gira) et Mme Viviane Loschetter.

Se sont abstenus: M. Xavier Bettel, Mme Anne Brasseur (par M. Fernand Etgen), M. Fernand Etgen, Mme Colette Flesch, MM. Charles Goerens (par M. Carlo Wagner), Paul Helminger (par Mme Colette Flesch), Claude Meisch et Carlo Wagner;

MM. Gast Gibéryen, Jacques-Yves Henckes (par M. Gast Gibéryen), Jean-Pierre Koepp (par M. Robert Mehlen) et Robert Mehlen.

Chamber TV

an der Stad

um Kanal S 29 (Coditel) oder
um Kanal S 40 (Eltrona/Siemens)

zu Esch

um Kanal S40 (455.25 MHz)

zu Déifferdeng

um Kanal S 29

zu Diddeleng

um Kanal S 32

an der Gemeng

Nidderaanwen

um Kanal S 29

Gëtt d'Chamber d'Dispens vum zweete Vote constitutionnel?

(Assentiment)

Dann ass et esou décidéiert.

Dir Dammen an Dir Hären, mir kommen zum zweete Punkt vun eisem Ordre du jour vun haut de Moien. Dat ass de Projet de loi 5687. D'Wuert huet de Rapporteur vun dësem Projet, den honorabelen Här Kaes.

2. 5687 - Projet de loi portant

1. transposition de la directive 76/207/CEE du Conseil relative à la mise en œuvre du principe de l'égalité de traitement entre hommes et femmes en ce qui concerne l'accès à l'emploi, à la formation et à la promotion professionnelles, et les conditions de travail telle que modifiée par la directive 2002/73/CE du Parlement européen et du Conseil du 23 septembre 2002;

2. modification du Code du travail;

3. modification de l'alinéa 1 de l'article 2 de la loi du 14 mars 1988 relative au congé d'accueil;

4. modification de la loi modifiée du 16 avril 1979 fixant le statut général des fonctionnaires de l'État;

5. modification de la loi modifiée du 24 décembre 1985 fixant le statut général des fonctionnaires communaux;

6. modification de la loi du 28 novembre 2006 portant 1. transposition de la directive 2000/43/CE du Conseil du 29 juin 2000 relative à la mise en œuvre du principe de l'égalité de traitement entre les personnes sans distinction de race ou d'origine ethnique; 2. transposition de la directive 2000/78/CE du Conseil du 27 novembre 2000 portant création d'un cadre général en faveur de l'égalité de traitement en matière d'emploi et de travail; 3. modification du Code du travail et portant introduction dans le Livre II d'un nouveau titre V relatif à l'égalité de traitement en matière d'emploi et de travail; 4. modification des articles 454 et 455 du Code pénal; 5. modification de la loi du 12 septembre 2003 relative aux personnes handicapées

Rapport de la Commission du Travail et de l'Emploi

» **M. Ali Kaes** (CSV), *rapporteur*.- Här President, Dir Dammen an Dir Hären, de virleiende Gesetzesprojet huet als Objet déi europäesch Direktiv vum 23. September 2002 ëmzesetzen, déi als Zil huet en anert juristescht Instrument ëmzeänneren an ze erweideren, an zwar d'Direktiv vum 9. Februar '76 iwwert d'Verwierklechung vum Gläichbehandlungsgrundsaz tëschent Männer a Fraen a puncto Zougang zur Beschäftegung, zur Ausbildung an zur beruflecher Promotioun, souwéi och a puncto Aarbechtskonditiounen.

Wann de Prinzip vun der Gläichstellung tëschent Mann a Fra op der Aarbechtsplaz schonn an der Direktiv vu '76 festgeluecht ginn ass, esou war de Sommet vun Amsterdam deen, dee ganz decisif war. Zënter dësem Sommet an dem Traité vun Amsterdam gehéiert de Kampf géint d'Diskriminatioun zu den europäesche Kompetenzen.

D'EU huet sech mam Traité vun Amsterdam déi néideg legal Basis ginn, fir kënnen méi effizient géint d'Diskriminatiounen virzegoen. D'Diskriminatiounen stelle ganz einfach eng Gefor duer fir d'Schafung vun engem Raum

vu Fräiheet, Sécherheet a Recht; eent vun den ambitiësten d'Ziler vun der EU. D'Chancëgläichheet tëschent de Mënsche garantéiert och déi sozial Kohesioun.

D'Direktiv vun 1976 soll un déi rezent Direktiven ugepasst ginn, wéi zum Beispill d'Direktiv vum 29. Juni 2000 an och déi vum 27. November vun deemselwechte Joer. Dës zwou Richtlinne schützen d'EU-Bierger virun Diskriminatiounen opgrond vun ethnescher Ofstamung oder Rass, vun der Relioun oder vun den Iwwerzeegungen opgrond vun engem Handicap, vum Alter oder der sexueller Orientéierung. D'EU huet sech och e generelle Kader ugëeegent, deen d'Gläichheetsbehandlung um Niveau vun der Aarbecht an der Beschäftegung garantéiert.

Här President, Dir Dammen an Dir Hären, d'Direktiv vun 1976 gëtt duerch d'Definitioun vun enger Rei vu Konzepter ergänz, esou dass eng gewësse Kohärenz besteet tëschent där aler Direktiv an den neien Instrumenter.

Nieft de Konzepter vun direkter an indirekter Diskriminatioun sinn och Notioune vun der sexueller Belästegung an der Belästegung opgrond vum Geschlecht an der Direktiv vun 1976 mat agefloss. Sexuell Belästegunge verstoussé géint de Gläichbehandlungsprinzip tëschent Fraen a Männer. Et ass dowéinst wichteg, dass dës Verhale verbuede gëtt. Dës setzt awer viraus, dass si am Virfeld kloer definéiert ginn an dass all Text déiselwecht Definitioun ermëgëtt.

Déi modifizéiert Versioun vun der Direktiv preziséiert och d'Konditiounen, ënnert deenen d'Memberstate bestëmmt berufflech Aktivitéiten aus dem Uwendungsgebitt vun der Direktiv vun 1976 kënnen eraus huelen. Déi berufflech Aktivitéiten, déi ausgeschloss kënnen ginn, solle sech awer just op déi beschränken, wou d'Geschlecht vun enger Persoun eng Roll spillt, zum Beispill weéinst der spezifischer Natur vun der Aktivitéit.

Zwou Konditiounen mussen nach gi sinn: d'Zil, wat ee verfolge, muss legitim sinn, an de Prinzip vun der Proportionalitéit muss och hei ganz kloer respektéiert ginn. Et entsprécht der Jurisprudenz vum europäesche Gerichtshaff, dass de Schutz, deen eng Fra während an no der Schwangerschaft zougesprach oder zougestane kritt, dem Gläichbehandlungsprinzip net widder sprécht.

D'Direktiv vun 2002 hieft dës nach eng Kéier ganz kloer ervir. Si preziséiert, dass eng Fra d'Recht huet op hir Aarbechtsplaz zrëckzekommen oder eng analog Plaz ugebueden ze kréien, wa si aus dem Congé de maternité ermëkënn. D'Memberstate kënnen selbstverständlech nach méi favorabel Dispositiounen festhalen an zum Beispill e Recht op e Congé de paternité unerkennen.

No der Direktiv vun 2002 sinn d'Memberstate verpflichtet effikass a proportionéiert Sanktiounen anzeféieren am Fall vun enger sexueller Diskriminatioun. D'Sanktiounen sollen d'Leit dovunner ofhalen, e Verhalen un den Dag ze leeën, dat diskriminatoresch ass. D'Memberstate sollen och adequat Entschiedegung garantéiere fir de Schued, deen entstanen ass, souwäit et geet gutt zemaachen.

D'Leit sollen och iwwer rechtlech Sécherheetsmoosname verfuegë kënnen. D'Direktiv vun 2002 huet an deem Kontext, souwéi d'Direktiv och vum 27. November 2000, den A.s.b.l.en an Organisatiounen, wann déi sech fir d'Offer asetzen, d'Recht unerkannt, viru Gericht eng Klo anze-reechen. D'Direktiv gesäit och nach vir, dass all Memberstat een oder méi Organer soll nennen, déi sech ënner anerem mat der Promotioun vum Gläichbehandlungsprinzip solle beschäftegen.

D'Transpositioun vun der Direktiv vun 2002 ass aus zwee Grënn ganz dringend: éischstens, mir si schonn ufanks Mäerz vun dësem Joer vum europäesche Gerichtshaff weéinst Net-Transpositioun vun der Direktiv veruerteelt ginn; an zweetens ass et wichteg déi legislativ Lück ze fëllen, déi et zënter der Aféierung vum Code du travail op deem Gebitt vun der Gläichbehandlung gëtt.

D'Gesetz vun 1981, wat d'Direktiv vun 1976 ëmgësat huet, ass duerch d'Gesetz vum 31. Juli 2006, dat de Code du travail agefouert huet, abrogéiert ginn. Net all Dispositiounen vum Gesetz vun 1981 fanne sech am Code du travail erm. Duerch d'Ofschafe vum Gesetz vun 1981 huet sech den Uwendungsberäich vun der Direktiv vun 1976 ex post verklengert. Déi Leit, déi am öffentleche Secteur schaffen, wéi och d'Travailleur indépendants sinn zënterhier vill méi schlecht geschützt. Or, d'Direktiv applizéiert sech och op dës zwou Kategorië vun Aarbechter.

Et war also onëmgängelech, d'Travailleur indépendants an den Uwendungsberäich vun den Dispositiounen iwwert d'Gläichbehandlung nees ze integréieren. Et ass décidéiert ginn, d'Gesetz an zwee Deeler ze splécken, wou dat eent e Kadargesetz gëtt, dat a sech all d'Fräiberuffer viséiert.

Den éischten Deel vum Gesetz schaaft de generelle Kader, deen d'Diskriminatioun tëschent Fra a Mann verbitt, während deen zweeten Deel sech exklusiv op d'Aspekter vun der Aarbecht an der Beschäftegung bezitt. Dësen zweeten Deel enthält just Dispositiounen, déi déi bestehend legislativ Instrumenter ëmännert. Ech kommen nach op dësen Aspekt ze schwätzen.

Här President, Dir Dammen an Dir Hären, de Statsrot huet e kriteschen Avis zum Gesetzesprojet ofginn. Ech wëilt kuerz op déi zwou formell Oppositiounen hei vum Statsrot agoen.

Déi éischt Opposition formelle bezitt sech op den Uwendungsberäich vun der Direktiv. De Statsrot vertritt d'Meenung, datt all Persoun, déi am Kader vun der Direktiv viséiert ass, sech och um Niveau vum Gesetzestext ermëfanne soll. Hie besteet drop, datt d'Gemegebeamte wéi och d'Fräiberuffer am Uwendungsberäich vum Text integréiert solle ginn. Den initialen Text huet dës zwou Kategorië vu Leit ausgeschloss.

Déi zweet formell Oppositioun vum Statsrot bezitt sech op d'Aart a Weis, wéi d'Statsbeamten an de Champ d'application vum Gesetzesprojet abezu gi sinn. Nom initialen Text sollten d'Dispositiounen iwwert de Gläichbehandlungsprinzip tëschent Fraen a Männer, déi am Code du travail agegliddert sinn, sech och op d'Statsbeamten applizéieren.

De Statsrot war der Meenung, datt d'Referenz op d'Dispositiounen vum Code du travail um Niveau vum éischten Artikel vum Statut vun de Statsbeamten, esou wéi den initialen Text dat gesinn huet, Inkohärenze mat sech brénge géif, an huet drop gehalen, datt dës ëmgeännert solle ginn.

Den Aarbechtsminister huet sech mat deenen anere Ministeren a Verbindung gesat, déi och hei an deem Kontext beträff sinn. Den Innenminister an de Minister vun der Fonction publique hu Modifikatiounen an hire Basistexter ausgeschafft, déi iwwert de Wee vun Amendementer am Gesetzestext integréiert sollte ginn. De Minister vum Mëttelstand huet proposéiert, iwwert de Wee vun Amendementer ze preziséieren, datt d'Fräiberuffer ënnert d'Dispositiounen vum Code du travail falen, vu datt et kee Basistext fir si gëtt, deen een ofännere kéint.

D'Aarbechtskommissioun huet de 16. Oktober 2006 eng éischt Serie vun Amendementer ugeholl mam Zil, de kritesche Bemierkunge vum Statsrot Rechnung ze droen a virun allem d'Textpropositiounen vun de jeeweilege Ministeren an de Gesetzestext ze integréieren.

A sengem Avis complémentaire vum 11. Dezember 2007 huet de Statsrot nach eng Opposition formelle formuléiert. De Statsrot huet d'Referenz am Code du travail op d'Fräiberuffer als net ubruecht kritiséiert.

D'Aarbechtskommissioun huet sech dorop hin entscheet, am Kader vum virleiende Gesetzesprojet déi technesch Approche unzewennen, déi se schonn am Kader vun der Transpositioun vun den zwou Direktive vun 2000 benotzt huet an déi dora besteet, a sech den Dispositif an zwee Deeler ze splécken, en éischte méi generellen Deel an en zweete méi spezifischen Deel.

Den éischten Deel stellt esou en autonomt Gesetz duer, ënnert dat dann d'Travailleur indépendants falen, während den zweeten Deel déi bestehend legislativ Dispositiounen ganz einfach ëmännert.

A sengem zweeten Avis complémentaire gëtt sech de Statsrot mat dem Réagencement vum Gesetzestext zefridden, och wann en awer d'Unzuel vu verschiddenen Texter um Niveau vun der Ëmsetzung vum Gläichbehandlungsprinzip bedauert.

Här President, Dir Dammen an Dir Hären, wat a sech dës Kritik ugeet, ass awer ze bemierken, datt am Ufank, wéi déi éischt Direktive mam Objet Gläichbehandlung ëmgësat gi sinn, sech de Statsrot enger unitärer Démarche opposéiert huet, sou datt d'Situatioun, an där mer eis haut befannen, zum Deel och op d'Haltung vum Statsrot zrëckzeféieren ass.

D'Aarbechtskommissioun huet eng zweet Serie vun Amendementer dunn ugeholl. Dës Amendementer bezéie sech op d'Exceptiounen vum Prinzip Gläichbehandlung, Diskriminatiounen op Basis vum Alter a vun engem Handicap sinn erlaabt um Niveau vun de Pensiounen respektiv um Niveau vun de Versécherungskontrakter. Mat dëser neier Approche maache mir d'Approche

vum Législateur vun 2006 zum Deel réckgäנגeg.

Ech erënnere, datt am Kader vun der Ëmsetzung vun den Direktive vun 2000 d'Méiglechkeet, eng Ausnahm zum Gläichbehandlungsprinzip um Niveau vun de Pensiounen a vun de Versécherungskontrakter ze maachen, u sech guer net virgesi war.

De Statsrot huet sech par rapport zu dëser Approche reservéiert geäussert. Fir de Statsrot kann esou eng Derogatioun nëmme spillen, wann eng objektiv a rasonnabel Justifikatioun virläit. D'Aarbechtskommissioun huet hiert Amendement bäibehalen, mä den Text esou ëmgeännert, fir dass dësen der Meenung vum Statsrot Rechnung dréit.

Här President, erlaabt mir kuerz op déi verschidden Dispositiounen vum Gesetzestext anzegoen.

Déi éischt siwen Artikele bezéie sech op déi eigentlech generell Ëmsetzung vun der Direktiv. Et sinn dës Dispositiounen, déi sech och op d'Fräiberuffer applizéieren. Si stellen en autonome legalen Dispositif duer - de generelle Kader fir de Gläichbehandlungsprinzip u sech tëschent Männer a Fraen.

D'Artikelen 8 bis 12 änneren déi bestehend Dispositiounen ëm. An dësem Kontext kann een nach soen, dass den Artikel 10 de generelle Statsbeamtestatut vum 16. Abrëll 1979 an den Artikel 11 d'Gesetz vum 24. Dezember 1985 iwwert de Statut vun de Gemegebeamten ëmännert. Wat den Artikel 12 ugeet, sou ännert deen d'Gesetz vum 28. November 2006 ëm, andeems en déi zwou Derogatiounen zum Gläichbehandlungsprinzip festleet.

Här President, léif Kolleeginnen a Kollegen, mam virleiende Gesetzestext komme mir dem ambitiësen Zil an enger Gesellschaft ze liewen, wou jiddferee gläich behandelt gëtt, ëmmer méi no.

Ech géif lech dofir am Numm vun der Aarbechtskommissioun bidden, de virleienden Text ze stëmmen, a ginn iwwerens och den Accord an deem Sënn vun der CSV-Fraktioun zu dësem Text.

Ech soen lech Merci fir d'Nolauschteren.

» **M. le Président**.- Dir Dammen an Dir Hären, et ass lech opgefall, dass e klénge lertum virkomm ass, dass ech ee Projet virgezunn hunn. Ech entschëllege mech beim Här Minister, deen en toute vitesse heihinner komm ass.

D'Fro ass awer elo - well och d'Disponibilitéit vun de Ministeren net déi ass, déi eng Inversioun vun de Projeten erlaabt -: Solle mir elo vläicht zrëckkommen op deen anere Projet, an da maache mir d'Diskussioun vun dësem, wa mir deen éischten evakuéiert hunn? Oder solle mir der Rei no fueren? Wéi ass d'Disponibilitéit vun der Regierung?

» **M. François Biltgen**, *Ministre du Travail et de l'Emploi*.- Ech hat mech eigentlech agestallt fir méi spët.

» **M. le Président**.- Jo, fir lech ass jo elo kee Problem, Dir sidd jo elo hei. Et ass éischter de Problem beim Här Wiseler.

» **M. Claude Wiseler**, *Ministre de la Fonction publique et de la Réforme administrative*.- Ech géif préférieren, dass mir deen Text, vun deem ech mengen, dass e relativ kuerz ass, géife virmaachen, sou wéi den Ordre du jour et initialement virgesinn huet.

» **M. le Président**.- Wann Dir vläicht Äre Mikro géift umaachen, wann ech gelift.

» **M. Claude Wiseler**, *Ministre de la Fonction publique et de la Réforme administrative*.- Ech géif virzéien, dass mir deen aneren Text, esou wéi et initialement virgesi war, géife virhuelen. Dat géif mech ganz staark arrangéieren, well nach eng Rei Terminer ustinn.

» **M. le Président**.- Très bien, da maache mir dat esou. Nach eng Kéier, entschëlleg! An dann huet d'Wuert elo fir de Projet de loi 5795 den honorabelen Här Paul-Henri Meyers. Här Meyers, Dir hutt d'Wuert.